

II KULONGA KWATATU



Zintu zyoonse zilakonzeka, syoma buyo.

Atu kotamike mitwe yesu lino ku ijwi lya mupailo. A mitwe yesu kiikoteme, Nda libuzya ikuti na kuli nkumbizyo nsalensale imwi iyo yanda kuzibwa kumbele lya Leza. Tambika buyo janza alimwi, kungsi janza kwa lyako, jatilila buyo nkumbizyo yako.

² Taata Wakujuulu, tuli lumbide kuli ceeci, ciindi cimbi caku bungana antoomwe, olu lubazu lwa Butamani. Elyo tu langila cifumo cino ku bukulusigwa kwa nguzu kuzwa kuli Nduwe, ku tupa camba ca lweendo olo lulede kumbele. Twa bungana mbuli bana ba Hebrayo mbo bakacita ku mafumo mataanzi, kujana mana ayo nge baka bambilidwe ku busiku boonse, aa kubakkutya mu buzuba boonse bwaka ccilila. Twa bungana ku Mana aa kumuuya, cifumo cino, ku tupa nguzu zya lweendo.

³ Kungsi lya maanza ayo oonse ainka mujulu, Uli zyi koonse nko babulide, Mwami. Elyo Nda komba mupailo wangu, a yabo, kumbele Lyako, kuti Uyo pa kubula koonse oko nko babulide. Ponya balwazi a bapengede, Mwami. Tu lizi kuti Nduwe Leza, alimwi ulakonzya kucita zintu zyoonse, akusyomezya ku zicita kuti na twa konzya biyo kucita mbubonya mbuli lwiimbo mboi tulailila, *Syoma Buyo*, alimwi mbuli mbo twa kamvwa majwi aa bulemu, *Kweenda A Kwaambaula E Mwaami*.

⁴ Lino, Taata Leza, longezya Ijwi Lyako mbuli Mbo lyeenda cifumo cino, alimwi akube kuti Li jane busena Bwalyo bwaku kkalila mu myoyo yesu, kuti Li konzye kuleta zintu nzo twa lomba, Taata. Mu Zina lya Mwami Jesu twa cilomba. Ameni.

Inga mwakkala. Ndaku lumba, mucizi.

⁵ Nda syoma ca kaambwa kuti, “Nda kakkomana cindi niba kandaambila kuti, ‘Atwe ende ku ng’anda ya Mwami.’”

⁶ Kuzwa ku Hot Springs, ijilo, Mukwesu Moore wakali kwaamba, “Mukwesu Branham,” kati, “yabo, sa inga to enzya kuselemuka, Texas, a ndime ku muswaangano mupati kunselelo okuya,” kati, “kupumuna mazuba masyoonto?”

⁷ Nda kati, “Ndi jisi kuswaangana kobile juunza.”

Wa kati, “Kuswaangana kobile?”

Nda kati, “Inzya.”

⁸ Kati, “Nciyumu mbuli mbo kambauka awa,” kati, “ii muntu weelede kulyookezya mvwiki yamana aimwi.” Kati, “Amu bweze mweembeli, kupa mulumbe wakwe wa cifumo Munsondo, azimwi zimbi,” kati, “mpawo ula pumuna mvwiki yoonse. Elyo, mpawo, alimwi ndiza ayo maminiti ali makumi otatwe, na cintucimwi.” Elyo kati, “Wa kakambauka kutandila

maora obilo na otatwe awa, ku ciindi,” kati, “mpawo, buzuba a buzuba, alimwi ziindizimwi ziindi zyobilo a buzuba, elyo mpawo kweendelezya mundando wa mipailo, kutweluka oko koonse.” Kati, “Lino waamba kuti uunka ku muunzi, kuyooba a kuswaangana kobile Munsondo?”

Nda kati, “Iiyi, munene.”

Kati, “Mbobuti mbo cicita?”

Nda kati, “Lugwasyo lwangu luzwa ku Mwami.” Mwabona?

⁹ I oora lyamana, mbuli umwi...umwi waamba kaindi kaina, mu mupailo, mbuli Mbwe zwaa kunjila. I oora lyamana, nkabela kubula nkupati, elyo tuli waano kusola kubikka cibeela cesu mukati, ku kugwasya eli oora pati ndyo tuponamo.

¹⁰ Lino, na Mwami wayanda, sunumasiku, Ndi yanda kukanana aa ciyo, “Sa buumi bwanu buli kabotu ku Makanimabotu?” Nkokuti, Ndi yanda teping’a eyo.

¹¹ Elyo lino, Ta ndizi na bayo teping’a cifumo cino, na pe. Nda bona bamwi mu kaanda. Kuli—kuli bamwi balombwana omuya; Nda yeeyela mbo babede. Nda kacita...Nda kayeeya kuti Mukwesu Neville inga wacita ceci. Nda kabuzya, Munsondo yainda, kuli nguwe buyo kuba a wakwe...kuzumanana a mulumbe wakwe; elyo mpawo kuzumanana, andi lokele buyo a cintucimwi kunze lyakwe. Pele, ikuti na bayanda teeping’a ciyo ca kwiiya Munsondo, baa, ciyooba kabotu.

¹² Elyo mpawo, na Mwami wayanda, Munsondo mutobela, nko kuti, ikuti na Mwami wazumizya alimwi tuli waano, Ndi yanda kuyo kanana aa ciyo eco Nce kali kuyanda kwa ciindi cilamfu, a kusyomezya kuti Ndiyo kanana Milumbe mbuli eyo kuzwa ku cikombelo, lutaanzi, eyo Milumbe ya mateepu. Ndi yanda kupa mulandu ku nzyalani eyi nkambo ka kubambula Jesu Kristo; cifumo Munsondo iicilila, Mwami nawayanda.

¹³ Elyo lino, sunumasiku, aa seveni okuloko, na seveni theeti, walo i—walo Mulumbe wa “Sa buumi bwako buli kabotu?”

¹⁴ Lino, ziindizimwi, mu kukanana aa Milumbe eyi mbuli boobo, Nda amba zintu zitenda maningi. Elyo Nse caambi ncobeni ku mbungano eyi awa, na cintucimwi. Mula yeeya, cindi Ne kanana, eco ciinka kuzunguluka inyika. Mwabona? Elyo tu jisi teepu bubambe bwa mateepu, koonse ku nyika, elyo bala bweza Milumbe eyi kujoka mu zisaka a koonse. Elyo Muuya Uusalala ziindizimwi undi sololela kwaamba cintucimwi eco cinga caba cintu nciconya Nca yanda ku muntuumwi kulaale kumusanza mu Australia, kubusenabumwi, na cintucimwi. Aboobo, ndiza, ziimo zimwi, inga wati, “Ee, lino, eco ciimo taciko okuno. Ino waambila nzi eco?” Ndiza nca kubusena bumwi bumbi, nywebo mwabona. Aboobo, inzya, Ndili masimpe nywebo no bantu mula mvwisya eco, kuti eyi Milumbe tayi gamikidwe kuli uli onse. Ii gamikidwe buyo ku Mbungano, muli

koonse, masena oonse, alimwi kufumbwa eco Mwami ncanga watusololela kwaamba a kucita.

¹⁵ Kajisi ciindi cabulemu kumusanza ku Hot Springs, ku muswaangano wa Pentekoste wacyianza cakale. Ndili masimpe bunji bwanu muli kkuutilide kuti mbantu ba Pentekoste kunselelo okuya, kuzwa nimwa . . . nywebo nomwa kaunka kunselelo. Ee, buyo, Ta ndizi nkamu. Nde elede buyo kuunka kunselelo kwa mvwiki, nkabela Nda pa mazuba obile na otatwe. Pele Ndi yanda kwaamba cintu comwe. Mu muswaangano oyo, ba kajisi lusyomo ncobeni, lwa kusyoma. Ikuti na umwi wanu wakaliko . . .

¹⁶ Kwalo, Ndi lizi, oyu mulindu awa, ukkede ku kkona, Ta ndizi na nguni. Na, mpoonya awa, Ndi lizi waa kaliko. Alimwi Ndi lizi bakwesu basyoonto bakaliko, Mukwesu Jackson, balo, Mukwesu Palmer.

¹⁷ Eco ncencico bantu ncoba jana cindi noba jisi lusyomo. Mwabona? Sena mwaaubona mundando oyo wa kuponya? Kwakanyina umwi waka njila na kuzwa pele oyo Leza ngwa kaponya. Mwabona? Mwabona? Elyo aboobo, cindi wano jisi lusyomo . . .

¹⁸ Elyo cintu cimbi, inga kwaba bamwi banu, inga tiiba mvwisa kulimvwa oko, kuzyana, koongolola. Ee, ba buyo . . . Taba langi ku muntu umwi. Baongolola buyo, kumbele lya Leza. Mwabona? Eco cili kabotu.

¹⁹ Pele, Ndi yanda kwaamba, ngu umwi wa i—umwi wa banakazi balibonya kusalala Ngwe kasola kubona, masusu ayo malamfu, nkabela bantu kuzwida kusyule kuya mu zisaka, kunze mumasaka. Pele Nse syomi kuti Nda kabona umwi kuzunguluka oyo ubaanga ulibonya kuba wa busyaasunu, nywebo mulizi eco Nce wamba, a misyobo yoonse ya bupange a zintu. Ci tondezya . . . Inga nse zuminana a mbabo muli zyoonse nzo bayiisya, pele Nda konzya masimpe kuzuminana awo. Eco cakalibonya mbuli Banakristo, kuli ndime.

²⁰ Aboobo Mwami waka ndisololela ku kanana aa ciiyo, ijilo, na buzuba bwa zoonza, akalangabwaaseme: *Ciindi Buyo Cimbi, Mwami*. Elyo ikuti na mbungano, bamwi babo okuya teeba kazi, Nda kacita ceeco ku bukanze, nkaambo Mwami waka ndisololela kucita ceeco. Eyo nkamu niini yakali kunjila mu cintucimwi, nkabela Mwami waka gwasya ceeco ku—ku cicita. Aboobo, cakali cibotu loko. Nda ncobeni . . .

²¹ Nywebo mulizi, zintu zila zumanana, ikuti na to jisi liso lya kumuuya, to cimvwisiyi. Mwabona? We elede kulangila kumbele ku zintu ezyo.

²² Nda njila. Elyo oyu Mukwesu Ungren, oko kutandila ciindi cabili Ne kasola kumvwa mwaalumi kaimba. Kwalo Mbe kanjilila biyo mu kaanda, wa kali kwiimba kuti *Nde Enda Alimwi Nda Ambaula A Mwaami*. Nda kayeeya, “Sa eco tacili cibotu!” Obo Mwaami mbwa kasola . . . Mwabona?

Kweenda a kwaambaula, eco caamba kuti nduswaanano cakuzumanana. Kutali buyo mu mbungano, pele, koonse, kweenda a kwaambaula a Mwaami.

²³ Elyo mpaawo, twa kalungumana ku bulambo, nkabela kwakali kkaadi kali jatilide ku cifoto ciniini omuya, ca musyobo wa cilao muntu nca kauzika zina GeorgeToddy cca—nca aka ndi pentela. Ta ndizi kaambo muntu nca kasola kucicita. Antela, ndiza, ta kayeeya buyo, nkabela wa kacipenta mpawo nci pikicha ca mulundu, kunze mu zisaka, elyo—elyo kalonga kaka kunkila kumselelo. Elyo ku lubazu lumbi lwa kalonga, kwiimvwi doe a mwana muniini, a matwi abo mujulu, kalangide ku kalonga. Ta ndizi kuti na Ba. Toddy nko bali kuno. Ta ndi bazi balo. Pele, Ndi yanda kwaamba ceeci, Mwami wakakanana kuli ndime cindi Ne kalanga cifoto eco. Elyo ndiza ta kazi, cindi na kali kupenta.

²⁴ Amuyeeye kaano kangu kaniini kajatikizya munyama deo oyo mulombwana ngwa kali kuyanda kudubula, a kwiita kwakwe? Ee, ngooyo waalo amwana waakwe, aboobo, mumsi lya maanzi aa buumi. Mwabona? Bunanike, obo munyama diya a mwana wakwe mbo bakabede! Elyo Nda kayeeya, “Iiyi. Elyo ku lubazu lumbi, oko kuli, kwiinda ku masamu agrini lyoonse, Ndi jisi i—i banyina a mwana okuya, ambebo, abo balindila okuya.”

²⁵ Nda lumba, mukwesu, Mukwesu George Todd, ikuti na mwaalumi nkwali cifumo cino.

²⁶ Lino, inga Nda ba a ciyo ca kwiiya Munsondo. Kanji ndi baanga ndatola ciindi cilamfu kuli ncico.

²⁷ Kuli cintucimwi eco cizumanana kucitika ku moyo wangu, Ta ndizi, kuzwida jilo. Lino tu. . . ikuti na Mwami. . . calo ii—calo nciyo. Ndiya bucembaala, alimwi Ta—Ta ndizi na nciindi cilamfu buti Nce elede kuba okuno. Pele kuli mubuzyo mupati mu mbungano, eyo ijisi baalumi bandeene, amizeezo yandeeene.

²⁸ Mbuli buyo kulya kwa “apele.” Elyo Nda kakambauka aa Mulumbe oyu, alimwi Nda syoma, canguzu, konzya ku citondezya kwiinda ku Magwalo, kuti taakali maapele. Mwabona? Cakapa lupyopyongano lunji.

²⁹ Aboobo, ndiza, katutana kuzwa. . . Twe elede kujokela lino, kutandila mazuba ali makumi otatwe, nywebo mulizi, kujokela ku Arizona. Elyo aboobo ikuti, Nke tana kuzwa, na Mwami wayanda, Ndi yanda kubweza Lugwalo. Elyo mutai teping’i. Ikuti na bacita, muta kasambali teepu. Muta ilekeli kuzwa. Ndi yanda kupandulula Bwini bwa lukwatano a kulekana. Walo mubuzyo. Alimwi aya maora akumamanino, kuti, “Cindi maseseke oonse aa Leza aeledede kumana.” Elyo jilo, nkeboola kutala lya malundu, kutandila ku bucedo, Muuya Uusalala wakaboneka kwaamba kuli ndime, “Teping’a eyo akwiilekela kusabalangana,” Ta ndizi kaambo, pele, “Bwini ncobeni bwa lukwatano a kulekana.”

³⁰ Bamwi babo balati, “Bantu inga bakwatana, ikuti na bala konzya kukonkezya kuti bakali mu mamambi.” Elyo bamwi balati, “Ee, ikuti na bala penzyana umwi aumwi, alimwi—alimwi taba konzyi kupona antoomwe; ncibotu kupona, nyika, mu luumuno, kwiinda kuponena mu gehena aa nyika.” Elyo mibuzyo eyo yoonse yandeeene! Elyo bamwi bala bakwata biyo mu nzila ya ciyanza cakale. Elyo bamwi bayanda kusansaila maanzi aasalala aali mbabo, a kubajosya, a kwaamba, “Taakwe noba kwetene.” Aku ba longezye, a kubapa ku mbungano alubo. Kuli misyobo yoonse ya lupyopyongano. Pele, ikuti na kuli lupyopyongano olo lunji, kuli Bwini kubusena bumwi.

³¹ Nda syoma, a kwaamba eci a lulemeko, Nda syoma Mwami wa ciyubununa kuli ndime, alimwi Nda . . . i Bwini. Elyo ikuti na inga caba akati ka mabungano, inga cazapaula cintu. Kwalo, ndiza ceelede kuba. Pele cili . . . Inga ndasala buyo kulekela beembeli, kulekela buyo beembeli ba mabungano, kujana teepu. Elyo kubalekela kwiilizya, elyo mpawo bala konzya kusololela kuzwa awo kuyabuya. Pele Ndi yanda buyo teepu eyo, kutondezya Bwini ncobeni bwa njiyo. Ndi syoma kuti eli nde ora cindi aya “maseseke naelede kumana,” kumanisigwa. Zya kacitwa, mbuli mbo twa kwaamba, muciiindi ca makkalo, aa mateepu, mbuli mbo twa leta ezyo *Zinamatizyo Zili Ciloba*, a *Makkalo Aa Mbungano Ali Ciloba*.

³² Elyo lino tu langanya ciindi ca Myeembo ili Ciloba, elyo mpawo Mitiba. Elyo ndiza inga twa bikka muswaangano wa mvwiki zyobilo a kubikka bobilo babo antoomwe. Ndi yanda kuu teping’wa.

³³ Elyo mpawo, kunze lya ceeco, Ndi sola lino kwiicitya kubalululwa kululamika, a kubamba mabbuku kuzwa kuli ncico, aa *Makkalo Aa Mbungano*; mabbuku ali ciloba aa bukkalo bwa mbungano, mateepu ali ciloba, a kwaabamba muli ceeco. Tula konzya kulicita kuta dula loko mbuli mbo tukonzya kucita, kutegwa muntuoonse wakonzya kuba alyo. Mpawo, ikuti na Mwami walindila, nkabela Nda zumanana kweenda, muyo bona kuti zintu Nze kaamba mu Zina lya Mwami ziyo boola kucitika mbubonya mbuli Lya kaambwa. Tacina sola kukakilwa, nekuba, a cimwi ca Ndilyo ceelede kucitika kumamanino.

³⁴ Alimwi Ndi—Ndi syoma kuti Mwami uyo tulekela kucita eco mpoonya awo. Tuyo zibya bantu, ciindi, nkaambo kuli banji bayanda kboola a kumvwa zintu ezyo. Elyo Nda—elyo Nda lumba eco.

³⁵ Ikuti na taakwe muntu waka Li syoma, na ku Li swiilila, ino mbubotu nzi mbo cinga candi citila, kwiimikila awa, kwaamba kufumbwa cintu kujatikizya Ndilyo? Mwabona? Cili biyo mbuli kuwaala cinkwa atala lya maanzi manji. Inga caba mbuli . . . Ikuti na taakwe umwi wakali kuyo Li syoma, mpawo inga caba mbuli kusowa ngale kumbele lya ngulube. Pele kuli zyuulu

taimuzi zyuulu abo basyoma Eelyo. Mwabona? Elyo bala jatilila ku Ijwi lyoonse. Elyo tu yanda kunjizya boonse, mbuli mbo kukonzeka, cindi twa—cindi twa libambila kuba a miswaangano eyi, a ku bulemu bwa Mwami. Elyo tu syoma kuti Leza uyo cipa kuli ndiswe.

³⁶ Elyo Nse yandi kuba a ceeco kusikila Ndili nanikidwe Cabuleza ku kucicita. Leza uli jisi ciindi ca zintuzyonse. Mwabona? To elede kuya kumbele lya ncico. Ikuti na wa gonka whiiti wako kaitaning. . . Ba bikka muncini uutebula kusaanguna muya ka taninga akubizwa, ula sweekelwa cibeela cipati maningi ca whiiti yako. Mwabona? Aboobo, cindi sikela lya libambila kutenda mukati, Leza uyo tenda mukati, mpawo tuyo unka ku kutebula. Pele Ndi buyo. . .

³⁷ Cindi, Nda limvwa ku sungilizigwa mbuli obo. Nda yeeya kuti inga Nda zungaanina kuli ncico, mu kaindi kaniini. Buzuba boonse jilo, Nse kakonzya kucigwisya mu mizeezo yangu, busiku boonse bwainda. Kainka kuyolala aa twelufu okuloko. Kajisi maora atandila kuli otatwe akoona, busiku bwainda. Elyo busiku bwainda Nse kakonzya koono. Nekubaboobo, Cintucimwi cakati, “Teping’a eyo, *Lukwatano A Kulekana*.” Mwabona? Aboobo Ndi—Ndi. . . I Mwami nawayanda, ikuti na eco cazumanana ku moyo wangu nkabela Mwami wandi tondezya kunji kujatikizya ncico, ee, mpawo, Njo. . . Inga—Inga nda teping’a eyo. Mwabona?

³⁸ Pele, amuyeeye, biyo ku bakutausi. Amu boole, pele, a kuswiilila. Pele teepu lwayo, atu. . . Mwabona, nkaambo ilaunka akati ka mabungo, alimwi bamwi bali munzila *eyi*, a bamwi nzila *eyo*, a kubamba muzeezo wabo beni. Elyo Ndi yanda bakwesu bakutausi kuba a ceeci mu kwiiya kwabo beni, elyo mpawo kwa lekela kuzwa awo, nkaambo mbe mbabo bajisi mulimo. Mbe mbabo. Mbuli kuunka kumusanza akuyo ilizya mu ziasaka, bamwi balombe aba baniini. Inzya.

³⁹ Mwabona eco Mwami nca kaamba kujatikizya eyo, *Lukwatano A Kulekana*. Kuli setekene maningi kwiinda bantu mbo bayeeya kuti mbo cibede. Elyo ciyo njilana moonya mu *Lunyungu Lwa Nzoka*. Cintu nciconya buyo, kuzumanana ncobeni kweenda, ayo makani aasisidwe. Amuyeeye, “Mu mazuba aa angelo waciloba, oonse maseseke aa Leza elede kumana,” ezyo zintu zitazizilwe Mwami nzya kalino manizya. Lino, kuciimo. . .

⁴⁰ Lino amuyeeye, seveni theeti ndeelyo cindi watalika muswaangano wako? [Mukwesu Neville waamba, “Iiyi.”—Mul.] Lino, Mukwesu Neville, ikuti na ujisi mulumbe wa sunumasiku, ko ukambauka. Mwabona? [“Peepe, munene.”] Ta tuko nditola kutandila oora na maminiti ali makumi one aosanwe, nkabela Ndiyo teping’a cimwi caco.

41 Nda yanda kuswiilila ku Mukwesu Neville. Nda muyanda. Walo mukwesu wangu. Elyo Ndi—Ndi yeeya kuti walo mukanza uli kabotu, mukutausi mubotu. Elyo Nda... Cintu comwe kujatikizya Mukwesu Neville, Nda yanda, cindi aamba cintu cili coonse, ula pona eco ncaambaula. Lino, eco—eco nce cintu cipati.

42 Nywebo mulizi, inga waponena mulombwana nkambauko kabotu kwiinda mbo mukonzya ku mukambaukila imwi. “Nkambo nywebo lwanu muli magwalo aalembedwe, abalwa a bantu boonse.” Lino, atu, katutana . . .

43 Inga twa vununa mapeji kusule, pele Leza weelede kujula ciyo eci cakwiya Munsondo, aboobo atu Mu lombe buyo kucita ceeco.

44 Taata Wakujulu, swebo—swebo ku lusyomo tu langa ku ciindi ciza. Ndili langide eno, ku lusyomo, ku kuboola kwa cintu cimwi, Mwami, aa nyika, eco ciyo kwela bantu Bako antoomwe. Cindi twa bona mabunga aa tubungwe ka tuubauka loko akuba atuncimwa maningi, kugusya bantu nconzyo; mbuli mbo kwakabede mu Egepita, farao wakabuka, oyo watakazi Josefa.

45 Mbuli mbo kwakabede mu Germany, a mu . . . kutala mu Russia, a Italy, bantu baka busya Josephus, Hitler a Stalin, Mussolini, abo bakasula ba Juda. Ba kacita kujokela ku nyika yabo yakuzyalilwa. Leza, Uli jisi nzila zya kucita zintu, nzo tutamvvisyi. Elyo Wa kaba syanikizya. Taakwe muunzi mu Germany; zintuzyonse zyaka gusigwa kuzwa kuli mbabo. Akwalo, mu Italy, Russia, taakwe busena bwa kuunka. Elyo baka josegwa ku nyika yabo yakuzyalilwa, ku kuzulizya buyo Ijwi.

46 Oh, janza bbotu lya Leza! Obo, ziindizimwi, ciboneka kuba calunya, nzila bantu mbo bapenga, pele calo, nekuba, ndi janza lya buuya ilya Jehova, kusololela bana Bakwe baniini. Twa Ku lumba, Mwami.

47 Lino Nda komba, Leza, mbuli Mbwe bona buzuba kabungwe mbo kasyanikizya basyomi, kuba tanda, kwaamba, kuti, “Zina lyabo lyelede kuba mu bbuku lyabo, nape bali sweekede. Taba jisi cintu cakucita a nkamu imbi.” Ndi janza buyo lya buuya ilya Jehova, kali basololela ku Samu lya Buumi. Nda komba, Leza, kuti umwi aumwi, Ndi lizi bayo cita, nkaambo Ndi Ijwi Lyako, alimwi Tali konzyi kukakilwa. Elyo akube kuti tusolololwe ku Musamu wa Buumi, kutegwa tube sikuvuba wa Buumi Butamani, a kubona janza lya Leza, alimwi swebo, kwiinda ku meso aa lusyomo, kulanga kwiindilila zimvule ezi nzotweenda mukati sunu, kubona Nyika yaka syomezegwa ililede biyo kumbele.

48 Longezya Ijwi Lyako, cifumo cino, Mwami, aya Magwalo masyoonto a bulembo obo Mbwe lembede awa. Akube kuti Muuya Uusalala uboole lino, mbuli Mbwe lipa lwangu, kupalulwa kwa mwaambo a kuyeeya, mizeezo. Elyo mbungano ituula matwi abo aa kumvvisya, myoyo yabo, a toonse swebo,

antoomwe, kuti Uyo kanana kuli ndiswe kwiinda mu Ijwi Lyako, nkambo Ijwi Lyako Mbwini. Mu Zina lya Ijwi, Jesu Kristo, twa cilomba. Amenii.

⁴⁹ Lino, amujule mu Mabbabbele anu, ku Bbuku lya Kulonga. Elyo lino Ndi yanda kubala cibeela ca Lugwalo kuzwa kuli Kulonga, cipati 3, kuzwa ku 1 kusika ku 12. Amuswiilile buyo, kabotu, mbuli mbo tubala. Kulonga, cipati 3, 1 kusikaku 12.

Lino Musa wakeembela butanga bwa Jetro mupongozi, mupaizi wa Midiani: elyo wa kasololela butanga kumbo lya lukula, a kusika ku mulundu wa Leza, akwalo ku Horebu.

Elyo angelo wa MWAMI wakalibonya kuli nguwe mu ii mabangabanga aa mulilo kuzwa akati ka citeo: elyo i . . . wa . . . elyo wa kalanga, elyo, kabona, citeo cakapya a mulilo, nkabela citeo tii caka nyonyoonwa.

Mpawo Musa wakati, lino Ndi yonyonena kumbali, akubona kulibonya ooku kupati, oko citewo ci . . . nkaambonzi icitewo nco citapyi.

Elyo cindi MWAMI nakabona kuti waka nyonena ambali kuti abone, . . .

⁵⁰ Yanda kubikka kwaambisisya ali ceeco!

Elyo cindi MWAMI nakabona kuti waka nyonena ambali kuti abone, Leza waka mwiitila kuzwa akati ka citeo, a kuti, Musa, Musa. Elyo wa kati, Mpaawa Mpendi.

Elyo wa kati, Tasweni munsu kuno: pele samununa mabbusu ako kuzwa ku matende ako, nkambo busena awo mpoimvwi mbusena busalala.

Mukuyungizya wa kati, Ndime Leza wa uso, Leza wa Abrahamu, a Lea wa Izaka, a Leza wa Jakobo. Elyo Musa wakasisa busyu bwakwe; nkambo wa kayoowa kulanga ali Leza.

Elyo Mwami wakati, Nda bona ncobeni penzi lya bantu bangu abo bali mu Egepita, elyo Nda mwawa kulila kwabo kwiinda ku kaambo ka basikubelesya; nkambo Ndi lizi buusu bwabo;

Elyo Nda boola ansi kuzooba vuna kuzwa mu maanza aba Egepita, a kuba gusya kuzwa mu nyika eyo kuya ku nyika mbotu . . . ii nyika mpati, a nyika ikunka mukupa a buci; kubusena bwa bana Kanaana, . . . Ba Hiti, . . . Ba Hivaiti, . . . Ba Jubisi.

Lino nkikaako, amubone, kulila kwa bana ba Israyeli kuboole kuli ndime: alimwi Nda bona akwalo kupenzegwa oko bana Egepita nkoba bapenzya kapati.

Nkikaako boola, nkabela Njo kutuma kuli Farao, . . .

51 Nywebo mwalangisya na? “Nda seluka.” Pele, “Nda kutuma.” Leza, keenda mu ciimo ca muntu. “Koya.” Andi bale kampingo ka 10 alubo.

Nkikaako boola, nkabela Njo kutuma kuli Farao, kuti ukonzye kuleta bantu bangu bana ba Israyeli kuzwa mu Egepita.

Elyo Musa wakati kuli Leza, Ndime Ni, kuti Nde elede kuunka kuli Farao, alimwi kuti Nde elede kuzyala bana ba Israyeli kuzwa mu Egepita?

Elyo wa kati, Nincobeni Njo oba a nduwe; nkabela eci ciyooba citondezyo kuli nduwe, cakuti Nda kakutuma: Cindi wa kuyutuka. . .

52 Mundi jatile.

. . . Cindi wa gusya bantu kuzwa mu Egepita, muyo belekela Leza aa dundu eli.

53 Kubona, kale, pele kulimvwa kunanikwa loko kwa Muuya cifumo cino, Nda cijata eco mpawo buyo. Leza, katuma mulanda Wakwe kusule oko nkwa ka tija, Wa kamupa citondezyo ca mulundu. Kakutakwe kusola ku ciziba biyo elyo. “Eeci ciyooba citondezyo Citamani kuli nduwe.” Mwabona?

54 Lino tuyo kanana, cifumo cino, aa ciyo ca kulonga kwabili kwa bantu ba Leza, na kwiita kuzwa kwa bantu ba Leza. Kulonga caamba “kugusigwa; kwiita kuzwa; kugusigwa.” Elyo Ndi yanda kubelesya eco mbuli ciyo, ca kulonga kwabili kwa bantu ba Leza. [Mukwesu Branham uupa bubande bwakuti *Ii Kulonga Kwatatu*, mu kuswaangana kwa ku mangolezya—Mul.]

55 Lino, baka jisi kulonga kunji, mubwini, pele Ndi kanana aa ciindi eco Leza na kaita kulonga, kwandaanisigwa kuzwa awo mpo bakabede, ku ciindi calino. Awa, Leza uli mukulibambila kuzulizya Ijwi Lyakwe lyaka syomezegwa ilya Buleza eelyo Ndyapa kuli Abrahamu, a kuli Izaka, a kuli Jakobo. Myaka, myaanda ya myaka yakainda, pele, nekubaboobo, Leza ta kalubi cisyomezyo Cakwe. Mu ciindi, kuciindi ceelede, Leza lyoonse ulabamba cisyomezyo Cakwe kululama.

56 Nkikaako, inga wayaama ca kaanzambwene kuti eco Leza nca kasyomezya mu Bbaibbele eli, Uyo cicita. Ta kuyandikani kusola kuyeeya cintu cili coonse cimbi, a kwaamba, “Ee, musinsimi wakali, ndiza, wakali lubide,” na, “eco tii cakali kukonzya kucitika mu buzuba buno.” Mpawo caka langika kutandila kutakonzeka, kutakonzeka kwiinda mbo kucita lino. Pele Leza waka cicita, nekuba, nkaambo Wa kasyomezya kuti Uyo cicita.

57 Elyo mulange obo mu buteteete Mbwa ci cita. “Nda seluka. Nda kamvwa kulila. Nda ibaluka cisyomezyo Cangu. Elyo Nda seluka kucicita, nkabela Nda kutuma. Ula cicita. Ndiyo oba a nduwe. Nincobeni, Njo oba a nduwe. Busyu bwangu buta—

buta kakilwi buyooba a nduwe kufumbwa kubusena nkoya. Uta yoowi.” Mwabona? “Ndi selemukila ku kuvuna.” Ndili masimpe mizeezo ya kumuuya ila jata eco. Mwabona? Mwabona? “Ndi—Ndiyo—Ndiyo kutuma, kuleta bantu Bangu ku kulonga. Kubaita kuzwa, nkabela Njo oba anduwe.”

⁵⁸ Lino, obo—obo mbo tukonzya kuyaama, obo lusyomo mbo lukonzya kujata eco awo. Mwabona? Leza uyo cicita. Wa kacisyomezya. Takukwe makani obo, ziimo mbo zibede, na eco kufumbwa muntu umbi ncaamba, Leza uyo cicita, nekuba, nkaambo Wa kasyomezya kuli ncico. Elyo Ula cicita mu buubauba loko, kuti, ci—ci lainka atala lya i—i kumwisywa kwa muzeezo uuyiide kapati unga wasola kubuzyabuzya kujatikizya ncico, “Mbobuti mbo cikonzya kuba?”

⁵⁹ Nse kanzi kwaamba kuti muntu lino, ujisi mizeezo, mibotu yanguzu, lwiiyo lubotu, kuti oyo muntu taka Ci mvwisyi. Eco cili kabotu, aumwi ncibotuloko, kufumbwa kuti wa belesya eco kuta buzyabuzya, pele, eco cilengwa nca jisi, ku syoma Leza. Acisandulwe ku buubauba bwa kuswiilila kuli ceeco Leza nca kaamba, a ku Ci syoma. Cilengwa Cakwe ciyo mugwasya mpawo.

⁶⁰ Amubone. Pele cindi muntu asola kubuzyabuzya, “Ta cikonzyi kucitwa,” mpawo eco cila mweenzya kuzwa kuli Leza, cakuzumanana, ciindi coonse, cindi na sola ku—ku swiilila kuli ceeco, kumwisywa kwakwe mwini. Mwabona? Ikuti na tomvwisyi, alimwi Bbaibbele lyaamba cintu cimwi, ko Ci zumina buyo, “Ameni.” Kocilekela buyo kuunka mbuli boobo.

⁶¹ Lino, mubusena bwa kutondeka ku Magwalo aya, inga mwa ilemba aapepa, mu ciiyo eci ca kwiiya Munsondo. Pele inga Nda cita, ndiza, ikuti na muyanda ku cilanga. Pele, lutaanzi, Ndi jisi manji awa. Atu. . .

⁶² Katutana konzya kuziba kulonga oku nco kwaamba, elyo Ndiyo kozyanisya kulonga lino. . .kulonga mpawo, a kulonga lino, a kulangilila ikuti na tii kwakeendelana ncobeni. Cimwi ca nkuko nca kunyama. Alimwi zintu nzyoonya Nzya kacita kunyama, Wa ci kozyanisya alimwi, kuci ezyanisya zya ku muuya, i kulonga kwa kumuuya.

⁶³ Cilabotelezya, kubona Ijwi lya Leza! Mbobuti muntu uli oonse mbwa konzya kwaamba kuti Tali nanikidwe? Eyi yakali kutandila myaka ili myaanda ya makumi obilo alusele yakainda, nywebo mulizi. Elyo nzila Mbwa kasyomezya, a ceeco Nca kacita a kucibikka awo ku mukozyanyo, nzila Mbwa—Mbwa—Mbwa panga cimvule ca cintucimwi ca kupa bumboni bwa i—i cintu cini. Nda sika ali ceeco, sunumasiku, akati ka mweezi a zuba, na Mwami wayanda.

⁶⁴ Pele, lutaanzi, tweeledede kulangalanga alimwi Matalikilo kubona kaambo nco bakali kumusanza mu Egepita. Nkaambonzi bantu ba Leza ncoba kalino zwida mu nyika

eyo? Pele nekubaboobo, Leza wakasyomezya eco, mpoonya awo matalikilo mpa kabede, kuli Abrahamu, Izaka a Jakobo, mu Palestine, Leza waka bapa nyika eyo, akuti, “Eyi nje njiyo.” Oh, mpawo, nkaambonzi bantu ncoba takalinooba mu busena obo Leza mbwa kababambila?

⁶⁵ Oyo ngo mubuzyo wa sunu, akwalo. Leza waka tupa Pentekoste. Wa katupa Bbuku lya Incito. Wa katupa Muuya Uusalala, ku tusololela a ku tweenzya. Wa katupa Nyika. Elyo nkaambonzi nco tutali muli Njiyo? Nkaambonzi mbungano ili zwide kuli Njiyo? Nkaambonzi mbungano mpati ya Bunakristo sunu ncoitali mukupona alimwi mbuli Bbuku lya Incito, kuleta cintu neiconya? Kuli kaambo kamwi kuli ncico.

⁶⁶ Toonse tu lizi kuti twa kanyongana, alimwi tuli mu ciimo cibyaabi loko. Elyo ciimo cibyaabi loko eco—eco Bunakristo nco bwa kasola kuponena mo, ndi sunu. Elyo tuli aa i . . . mpoonya aampela na kulaba kwa—kwa lubeta, lupati lukali lwa kabambilidwe ku mbungano. Elyo lubeta olu kalutana konzya kucitika, Leza uli mu kwiita kulonga, mbuli buyo Mbwa kacita kaindi. I zibi zya bana Amori zyakalundana, aboobo Walo—Walo wiita ii—ii kulonga kwa kumuuya. Lino atu jokele aniini buyo, mu cikozyanyo, a kuziba.

⁶⁷ Ba kaselemukila mu Egepita, ku kaambo ka bbivwe lya mukwesu. Ako nkekaambo Israyeli nci yakali mu Egepita ku ciindi eco, kuzwa mu nyika. Amuyeeye, zisyomezyo zya Leza zyakali buyo kufumbwa kuti bakakkala mu nyika eyo.

⁶⁸ Lino sa inga mwabona eco nco twali kukanana mu mupailo, ziindi zisyoonto zyainda? Nkaambonzi Leza nca keelede kuyumya moyo wa Farao? Ku josya bantu mu nyika ya cisyomezyo, Ka tana konzya kubalongezya, ku kuleta Mesiya kuli mbabo.

⁶⁹ Mbobuti Mbwa keelede kuyumya moyo wa Hitler, kuti alwane mu Juda, kakuli wakali mu Juda cisela, lwakwe? Mbobuti Mbwa kakonzya kucita ceeco muli Stalin, Mussolini? Mwabona? Bantu abo bata nanikidwe, mbuli cisi, ba—ba . . . Leza weelede kubweza i—i zintu ezyo nzyo baponena, milao ya nyika, ziindi zinji, ku bamba zisyomezyo Zyakwe kucitika ncobeni. Aboobo, Wa kacita kuyumya myoyo ya baleli banguzu zimaninide, kutanda ba Juda kujokela ku nyika ya cisyomezyo. Ca keelede kuba boobo.

⁷⁰ Lino tu jana, kuti, kwiinka kumusanza, Josefa . . . Tu lizi kaano, mbuli mbo tu jokela mu Matalikilo, alimwi inga mwa bala buyo. Nkaambo, Nda muka asyoonto kutalika aa ciiyo eci cilamfu ca kwiya Munsondo, nkabela Njo sola kubinda.

⁷¹ Amubone lino. Amubale kaano cindi nomukonzya, ka Josefa, mukuzyalwa kumane kwa babunyina bakwe, muni kuli wa mamanino. I mizeezo ya kumuuya iyo cijata ndyoonya lino. Ta kali mwana wamamanino; wakali Benjameni. Pele, mu

kutandwa, amulangilile. Josefa a Benjameni bakali babunyina ku bulowa ncobeni, alimwi bobilo biyo bakali babunyina. Taakwe Benjameni naka jana kuzibwa kusikila mane naka swaangana Josefa. Elyo atala lya bamwi babo, Benjamini wapegwa caabilo cabubili ca zintuzyonse Josefa nzya kapa. Yaa. Amubone lino, tu jana kuti kunselelo okuya, ba kali . . .

⁷² Wa kagwisigwa kuzwa kuli babunyina bakwe nkaambo kakuti wakali simuuya. Wa kali muntu mulemu, nekubakuti mubombe maningi ku nkamu, muniini mu nkamu. “Elyo baka musulaika kakutakwe kaambo.” Tiiba keelede kumusulaika. Ba keelede ku mulemeka. Nkaambo, nkaambonzi ncoba kamusulaika? Nkaambo wa kali mukwesu na? Kutali ceeco ncobeni. Ba kamusulaika nkaambo kakuti Leza wakabeleka a nguwe kwiinda Mbwa kacita amwi babo. Mwabona? Wa kamupa ii—ii—ii—ii kumvwisya kwa kumuuya. Wa kali kukonzya kupandulula ziloto, cakulondoka. Elyo wa kali kukonzya kwaamba zintu kumbele ezyo zyakali kuyo citika, cakulondoka, mbubonya buyo nzila mbo zyakabede. Elyo ta—elyo ta kavunga fwaindi.

⁷³ Wa kabona i—i ciloto ca maila abaabo kaba kotamina maila akwe kumbele, nkabela babunyina mpawo baka mu nyemena. Kati, “Nda yeeyela, mpawo, yebo omubumbulusi uusalala muniini,” mu majwi amwi, “tuyo fugama kumbele lyako buzubabumwi na?” Pele eyo nje nzila mbo cakacitika. Mwabona? Mbobuti babbabbani abo bapati mboba kasola kukutama kumbele lya mulombwana oyo, muniini utakweankwaya kaimvwi alya? Pele ba kacacita, ba kacita ncobeni, a kukombelezya luse. Pele ta kalina njila mu nguzu, pee, nywebo mwabona. Wa kali biyo mpawo mu ciimo ca mwana.

⁷⁴ Elyo mpawo tu jana kuti, kwiinda mukucita boobu, kuti Josefa waka gusigwa kuzwa akati ka babunyina, tubungwe, akuli bambila lwakwe. Mwabona? Babunyina bakwe, boonse mu cisi. Elyo mpawo kwakasika cintu cipati boobo. Tula mvwisya kuti Israyeli. . . kufumbwa kuti bakali kukkala mu busena bwabo bwakukkalila, a kubambwa. Lino, eco ncintu comwe cibotu, ku kkala mu busena. Mubusena, mbo mbubo. Pele, ba kagusya Muuya.

⁷⁵ Basimbaakani, sunu, bazi mubusena obo mbobabede, kwiinda ku muzeezo wa bupampu iwa Bbaibbele, pele kwiina Muuya. Ba kakaka Josefa, ka Mu tanda. Taakwe cintu nco bakali kuyanda cacucita a Ncico. “Ni nkamu ya babumbulusi basalala. Nku ii. . . Ta tuyandi cintu cacucita a Ncico.” Ba ka Mu tanda, ka Mu sambalila, ku inyika. Ba kali zwide mu luswaanano lwabo.

⁷⁶ Lino, kwiinda ku kucita boobo, baka gwisigwa kuzwa ku busena, batolwa kunselelo mmu Egepita, kuya kumamanino.

77 Lino, ikaano ka banabakwabo basibbivwe nka kweezyanisya ncobeni acibeela caku muuya ca sunu. Tu—tu lizi obo tonse, kuti ndi bbivwe linjoloma, kutali lisalala. Ndi bbivwe, lyakaindi, lisofwi. Mwabona? Kwiina kunjoloma mu bbivwe. Mwabona? Tacili cintu cita bbivwe lya busofwi. Cindi, bala bona Bbaibbele ndilyonya, a bupange bwa Leza nguwenya oyo wakalemba Bbaibbele, kalisimpikizya Mwini, elyo mpawo kukaka Ceeco kakutakwe kaambo. Kanjoloma. . . Ee, kutali kunjoloma. Mbuli Mbwe amba, ndi bbivwe lyatombe. Kulangilila Leza kaponya balwazi, kubusya bafu, Leza nguwenya oyo wakapona mu mazuba aa baapostolo! I Makanimabotu ngaonya ayo nge bakalemba, nkambo ka lweendo olu lwa kumuuya, ngu Leza nguwenya oyo ucita cintu nciconya. Aboobo tabali cintu cita bbivwe, lya ka mutanda, “Elyo ta tuka Li tambuli akati ka bantu besu.” Mwabona? Kuba gusya!

78 Ba kayeeya, bakwesu, kuti niba taka belesya ku muntu mbuli oyo, aboobo, “Nkaambonzi kuta mutanda buyo?”

79 Eco ncencico, cintu nciconya cacitika sunu. Ba yeeya, kuti, “Nkaambo mabungano esu aba abupampu, kuti tu jisi makamu aa bantu basama kabotu kwiinda, kabunga kapati kwiinda, bakutausi basongo kwiinda, kuti ta tujisi kubelesya kwa Muuya Uusalala mu nzila eyo Mbo wakabede kaindi okuya.” Kutu, bali zwide. Mu majwi amwi, micito ilakanana maningi kwiinda majwi: Kutu maseminari abo, a abo. . . boongo bwa buntu bwabo—bwabo, a kuboola kwabo antoomwe a—a kubandika cintu eci, bala konzya loko, a mizeezo yabo beni ya bupampu, ku bamba Mbungano mu ncililano, kabotu kwiinda Muuya Uusalala mbo ukonzya kucicita. Aboobo, taba Li yandi limbi. “Calo Ncintucimwi nco tu tayandi sunu. Calo, mazuba aa ceeco akamana.” Lino, sa eco tacili kabotu? “Ta tuyandiki Muuya Uusalala kuponya baciswa. Tuli jisi madokotela. Ta tuyandiki Muuya Uusalala kwaambaula mu myaambo. Toonse tuli bantu bapampu.” Elyo cindi wacita, ula bweza, nkoonya kuzwa ku moongola wako wabuyake, Lukole lwa kuvunwa.

80 Jesu wakati kuli mbabo ba Juda, mu mazuba Akwe, “Sena tee mwakabala eco, ‘I Bbwe eelyo lyakakwa ngu Ciswi cipati cabuyake eco buyake boonse mpo bukkede?’”

81 Lino, sa mwabona eco Nce pandulula? Ndili masimpe kuti mula—mula konzya kujata eco. Kutu, i—i kaambo ka ncico lino, nkaambo bakali kuyeeya kuti niba taka Li yanda. “Ta tuyandiki bakanazi mu myaambo. Ta tuyandikani basiku pandulula myaambo. Ta tuyandikani basinsimi ba Cizuminano Cakale ku tubikka mu ncililano, kwiinda ku Muuya Uusalala. Tula Ci mvwisya.” Mwabona? Ba kasala ciyanza cakapangwa aamuntu ku kubweza busena bwa Muuya Uusalala.

82 Nkikaako, kuli bantu bakasalwa, bajisi mazina abo mu Bbuku lya Buumi ilya Kabelele, taba konzyi kuunka kuli ceeco.

Balo mizeezo ya kumuuya, elyo nkikaako taba konzyi kuunka kuli ceeco. Taba konzyi ku ciiminina, takukwe makani na bamawisi a bamanyina bakali kupona mu mbungano ili yoonse yakabunga.

⁸³ Cindi mbungano yapanga, ila . . . ndiza inga tii ya kanana eco mpoonya awo. Oh, peepe. Taba ka cikanani ncobeni, pele micito yabo ila citondezya. *Ndeeli i Ijwi*. Elyo Muuya Uusalala ula citondezya akati ka baabo, cindi Na konzya kubabunganya antoomwe, kuti Walo uciponya baciswa, a kubusya bafu, a kukanana mu myaambo, a kutanda madaimona. Aboobo, ciya buyo i . . . eco cili mukati ka muntu.

⁸⁴ Mbuli Muka. Arganbright okuya, kali kuyeeya ceeco, buzuba bumwi, kakkede alya anze akweendeenda, kuya bukwela bwizu, cindi nakali kutenda bwizu bwa mu lubuwa. Nda kainda mumsi, nkoonya kumbali lyakwe. Ta kandizi pe, elyo Nda kamulekela buyo kuzumanana. Nda kali kulangilila.

Lino amubone Muuya Uusalala mu mulimo Wakwe mupati.

⁸⁵ I mbungano ilimvwa kuti tai yandiki Muuya Uusalala. I mabungano ayo mwaambila eco. Elyo bantu inga bakonzya kwiima aku kupa bukanazi bwa bupampu buli boobu, kutandila ku kubamba kuci syoma. Lino atwi ime awo, aniini. Sena Jesu takaamba kuti bobilo bayo tandila kukozyanya loko, “Ciyoo cenga mbabonya Basalidwe ikuti nikwali kukonzeka”? Bukanazi bwa bupampu inga bakonzya kuba kuteteete, kutegwa kuti bu konzye—bu konzye kweena bantu. Alo makanimabotu, balo mbantu bakonzya kulanganya bbala eelyo munzila ili boobu, kuti inga watandila kubamba muntu uli oonse mupampu, ikuti na usyoma buyo mu bupampu bwabo, inga—inga ba tapatila Muuya Uusalala, a—a kubweza nzila ya muntu. Tula bona eco.

⁸⁶ Lino, eco nce cintu nciconya ncoba kayeeya kujatikizya Josefa, nkabela baka mugwisya. Elyo, oh, kumusanza mu Egepita, oh, obo mbo tukonzya kuyeeya, obo Mbwe konzya kubelesya maora. Inga wakkala okuno kwa myaka yotatwe a kuta siya ciiyo eco, isikati a masiku, nkabela katu cijana tubeela twini twa Muuya Uusalala. I mizeezo ya kumuuya inga yalanga kumusanza mu Egepita a kubona kupenzegwa kubuka; konzya kubona Josefa kagusigwa, kutegwa kupenzegwa inga kwabuka. Elyo mpawo kubona Leza, a vwili Lyakwe mu mavwili, zintuzyonse kazizunguluka cakulondoka buyo. Mwabona Potifara waakaka Josefa; mwabona bubeji obo bwakaambwa. Elyo amubone Josefa mu ntolongo, a cilezu cakwe cakakomena, wakatandwa kuzwa kuli babunyina. Pele mpawo, mpoonya biyo, Leza waka njila. Mwabona?

⁸⁷ Obo mbo tukonzya kubona vwili eelyo mu mavwili, kalyeenda! Bubambe bupati bwa Leza kabutansika zintuzyonse ku kulonga oku, ku ciindi eci Na kaita bantu Bakwe kujokela mu nyika alubo, kujokela mu busena, mu busena oko Nkwa

kali kukonzya kubalongezya a kubikka akati kabo Oyo Ngwa kasyomezya kuti Uyo bikka akati kabo. Ba keelede kuba mu nyika yabo. Amuyeeye, ba kacita kuzwa mu nyika omo moba kabede, a kunjila mu nyika ya cisyomezyo, Mesiya wabo waka syomezegwa kataninga nekuba kusola kusika.

⁸⁸ Elyo Mbungano yeelede kucita cintu nciconya; kuzwa ku nkamu eyo ya basikukaka, kuya mu cisyomezyo, Mesiya katana konzya kusola kuyubululwa kumbele lyabo. Mwa cibona? I Buumi bwa Mesiya, bwaka yubununwa, kubamba Mbungano kulibambila, Nabwiinga.

⁸⁹ I mwanakazi uukwatwa ku mwaalumi, a kutazuminana a nguwe, inga waba musyobo umwi wa—wa kukwankana, cakuzumanana. Pele cindi mwaalumi a mukaintu wakwe, mweenzinyina musimbi, mutange wakwe, cindi banooli mu lumvwano lulondokede, mbuli buntu bomwe a muzeezo omwe, nkaambo bayooba nyama yomwe.

⁹⁰ Mpawo, cindi Mbungano yakonzya kunjila mu lumvwano luli boobo a Leza, kusikila ku luyubunuko lwa Sibwiinga lwa tondezegwa muli Nabwiinga, nkaambo bayooba bomwe! Oh, ino nciyo cipati. Yaa.

⁹¹ Lino, amuyeeye, mizeezo ya kumuuya kaibweza eci, inga yabona cikozyanyo a cintu cini, a kwiibweza. Nkambo omwe, buyo, inga twa unka maora ali ncico. Amulangilile eco cicitika.

⁹² Elyo nkaambonzi nco twa kalindila myaka eyi yoonse, kuzwa ku kasensa aaka ka ciindi? Nywebo mulizi, Bbaibbele lila kanana, kuti, “I mbungano yaka cijila mu nkanda, oko nkwa kali kumyongwa kwa ciindi a ciindi.” Alimwi nkaambonzi coonse eci cakaliko? Kuti tu. . . Mwabona? Cicili mavwili aa Leza mu mavwili.

⁹³ Nkaambonzi Leza nca taka cita eci, ciindi cilamfu cakainda, cindi baalumi niba kakkala a mapenso, a—a banakazi, a kusoleka ku kwela biyo ciindi? Mbuli Mubetesi Rutherford a bunji bwabo, kuti, “Jesu wakasika’ 14.” Elyo—elyo Mutumbu Shipton waka cijisi ob kaindi, abambi bamwi, zyoonse eezi ziindi. Elyo, mwabona, cindi cakwiinda kuli ceeci, kwiinda kuli ceeco ncoba kasola kumvwisya Lugwalo, mwabona, baka cinyonganya. Cili sisidwe. Cili sisidwe ncobeni. Elyo mbobuti Lugwalo mbo lukonzya kulilwana Lwini, cindi Jesu nakati, “Taakwe muntu uuzi miniti na oora”? Mwabona? Mwabona? Ba bweza buyo kabeela komwe ka Lugwalo a ku Lu jatilila.

⁹⁴ We elede kubweza Cintu coonse. Mpawo, ikuti na Leza uli muli ceeco, mpawo Leza uyo yubununa eco kuba Bwini. Mbuli kuponesegwa kwa Buleza, ikuti na tabuli Bwini, nkokuti tabuli Bwini; Leza takabi a cintu cakucita a ncico. Pele ikuti na Wa Ci yubununa kuba Bwini, nkokuti Bwalo Mbwini. Mbubonya mbuli Jesu. . .

⁹⁵ Leza wakati, “Ikuti na kuli umwi akati kanu, walo musinsimi, na simuuya, Njo kanana kuli nguwe. Elyo eco ncaamba cacitika, mpawo amu ciswiilile. Nce ncico. Pele ikuti na cisinsime cakwe cili lubide, nkokuti . . .” Leza takonzyi kulubila. Walo mupatikampatila, uutakakilwi, ujisi nguzuzyonse, alimwi Ta konzyi kulubila. Aboobo, ikuti na muntu ula kanana, mpawo citondezya muntu. Ikuti na wa kaamba majwi akwe eni, ayo kakilwa. Pele ikuti na ukanana Majwi aa Leza, tali konzyi kukakilwa, nkaambo ngu Leza ukanana. Mpawo, bunanike bwakwe buzwa kuli Leza, alimwi buya . . . bweelede kululama. Eyo nje nzila Leza nja kaamba ku caamba. Eyo nje nzila Bba- . . .

⁹⁶ Mu Cizuminano Cakale, Wa kati, “Ikuti na taba kanani kweendelana ku mulao a basinsimi, nku kaambo kakuti taba jisi Buumi muli mbabo, taakwe Mumuni muli mbabo.” Mbubo. Beelede kukanana kweendelana ku mulao a basinsimi. Elyo cisinsime, na kufumbwa cintu cimbi, ceelede kweendelana a Ijwi. Ikuti na tacili obo, cili lubide. Mwabona?

⁹⁷ Lino, tu jana kuti zyoonse ezi zyaka citika, nkaambo, kalindila. Lubukulusyo: ba Methodisti, ba Lutherani, ba Baptisti, ba Campbell, a—a bamwi boonse bandeene. Ba kajisi lubukulusyo lupati. Iba Nazareni, Pilgrimu Holinessi, ba Pentekoste, boonse baka jisi lubukulusyo lupati. Pele kulonga kupati tii kwa kaboola. Nkaambonzi? Leza wakaambila Abrahamu kuti Uyo mubamba mu cisi mpoonya awo, pele i—i milandu yaba Amori tiya kalina zula. Elyo Leza walindila, calukakatilo. Balo bantu, kusoleka kumvwisya, bala konzya kubona Lugwalo kalunjila moonya mu cintucimwi. Kuzuzila moonya mu cintucimwi, ba kati, “*Obu* mbuzuba. *Eci* nce ciindi.” Pele mula kakilwa kumvwisya kuti milandu yaba Amori taina zulizigwa.

⁹⁸ Myaka ili myaanda yone baya kweenda kumusanza okuya mu Egepita, a ku gusigwa. Pele mubwini baka kkala myaka ili myaanda yone a makumi one, nkaambo ka kukaka musinsimi. Ba kacita kupenga kumbi, kutandila myaka ili makumi one kumusanza okuya mu nkanda, Leza katana bagwisya. Musa wakali mu nkanda kwa myaka ili makumi one katana sola kujoka kuyo bavuna, nywebo mwabona. Myaka makumi one ya kaindilila, ka kkwana, lapsed, nkaambo kakuti ba kaka mulumbe.

⁹⁹ Lino, myaka ili makumi one mu ciindi ca Leza inga kwaba kutandila oora amaminiti ali theeti, ku ciindi cesu. Olo ndo lwaandaano lupati mbo lubede. “Myaka ili cuulu mbuzuba bomwe biyo.” Mwabona? Inga tii caba akwalo miniti, nokuceya. Amubone, muli ceeco.

¹⁰⁰ Lino tuya bumuka. Nkaambonzi? Leza wakali kukkazikamoyo, kalindila, kulangilila. Amulekele i—i bana Lutherani babuke mu lubukulusyo, mpawo kubunganya.

Amulekele ba Methodisti ababuke mu lubukulusyo; kubunganya. Lekela John Smith, mbungano ya Baptisti, kubuka a lubukulusyo lupati; kuba kabunga. Aba Pentekoste kubuka akuboozezya kwa zipego; bakaba kabunga. Mane kusikila milandu yaka fwasuka, nkabela Leza wakatala, mpawo kwaboola kulonga.

¹⁰¹ Elyo tula cibona, kuti bantu lwabo inga babona kujoka ansi ku bweende bwa ciindi, kuti cintu caka singanisigwa. Bala bweza cipulanga a cikobela cibotu ca Babuloni, alubo. Elyo nce cintu cinyonganya akati ka bantu, cindi bantu basola kunjizya mizeezo yakwe ini kujatikizya zintu.

¹⁰² Twe elede kukkala a Ijwi eelyo. Eyo nje milao ya Leza, yakali, “Kuta guma cintu mu dolopo eelyo, oyo munzi uutukidwe. Uta cigumi. Ko cisiya cilikke.”

¹⁰³ Elyo Akani waka yeeya kuti wakali kukonzya kubweza cikoto eci ca ngolide a kupona kabotu cakulilemeka kabotu mbuli bamwi ba inyika, a cikobela cibotu ca Babuloni. Oh, kuli Akani mu cilabba! Mwabona? Pele cintu caka singanisigwa, alimwi caka zumanana ku singanisigwa. Ya kasinganisigwa kuzwa ku Kkansa njionya ya Nicene, ku Nicaea, Rome, yaka tukwa kuzwida eelyo. Pele Leza wakalekela milandu kuzula, kusikila ciindi ca bana Amori citandile kuzulila.

¹⁰⁴ Elyo lino kufumbwa muntu ujisi kumvwisya kwa kumuuya, amuyeeye, Nda zumanana kubalulula, kumvwisya kwa *kumuuya*, inga wabona kuti milandu ya cisi eci yazula. Waa kalibunganya a kuzibwa, a bunganisigwa aku bunganisigwa. Elyo lino ili muku vvaana, a kusangana a cintucimwi cimbi. I milandu yazula. Nciindi ca kulonga, nciindi ca kwiitwa kuzwa, kuya ku Nyika ya cisyomezyo. Kutali cisyomezyo, cisi cimbi buyo cakuunka; pele Muunzi, Mileniamu, ciindi ca kwiitwa kuzwa. I milandu ya cisi eci (kuuma ali ncico alubo sunumasiku, na Mwami wayanda) ili zwide. Ili sofweede.

¹⁰⁵ Yebo wati, “Mukwesu Branham, cisi nco pona mo?” Iiyi, munene. Cilimasimpe. Yebo wati, “Mbuli sicisi wa United States, toelede kwaamba ceeco.” Nkokuti, Eliya takeelede kwiita lutuko aali Israyeli, alimwi walo mukuba mu Israyeli kaindi. I bamwi basinsimi tiiba keelede kusinganya cisi eco mwa bakali bana Israyeli.

¹⁰⁶ Pele ba kaamba buyo, kutali miyeeyo yabo beni, pele Ijwi lya Mwami. Mwabona? Ciya awo mpo jana bunanike bwako kuzwa. Ciya mbuli mbo ciboola. Ikuti na ciliimpene ku Ijwi, kocisiya cilikke. Elyo Nda lomba kufumbwa muntu kutondezya kuti Eco ciliimpene ku Ijwi.

¹⁰⁷ Sena Bbaibbele teelya kaamba, mu Ciyubunuzyo 13? Mpe mpawo cisi eci mpo cakalibonya. Eci cisi nca mweelwe theetini, cisi ca mwanakazi. Walo mwanakazi, mu Bbaibbele. Mwanakazi uli aa kkobili lyesu. Ncisi ca banakazi. Mpaawo kubola kwa

banakazi mpo kwatalika, kutalika, awo mpo kugolela. I kubola kwaka talikila mu Edeni, kwiinda kukutasyoma Ijwi lya Leza. Mpaawa mpo caka konkolwa bakambausi banakazi a zintuzyonse zimbi. I busofwi bwa inyika buzwa ncobeni ku Hollywood, cisi cibyaabi loko mu inyika; kulekana kunji, inyika yoonse yabikka antoomwe. Mwabona? Nkaambonzi? Muyo ziba bumwi bwa mazuba aya, na Mwami wayanda. Muyo bona kaambo, cintu eci citukidwe. Inga wabona boofu bwa zintu ezi zya kulekana ezyo Saatani nzya kakwela ku meso aa bantu. Tuli mu oora liyoosya. Mamanino esu atandila kuba eno, Nda syoma. Ali bolede, kubola ku mbaakani.

¹⁰⁸ Waa libonya mu Ciyubunuzyo 13, namba theetini. Elyo amuyeeeye, cakabuka mbuli kabelele, lwaanguluko lwa bukombi. Pele mpawo caka tambula nguzu kuzwa ku munyama; cinkozya mbuli ncico. Elyo wa kakanana a bwami boonse, a kucita zintu nzyoonya zibolede munyama nzya kacita kumbele lyakwe. Mpawo ko ndaambila sena tiica sinsiminwa ku cisi eeci? I ciimo cabana Amori citandila kukkwana, nkaambo bali mukubeleka kale muli ncico.

¹⁰⁹ Elyo akwalo poopu wesu mupya, bukanze bwakwe bupati mbwa kukamantanya babunyina antoomwe. Elyo, ku meso akunyama, ncintu cakucita. Pele, mu meso aa Leza, ciliimpene ku Muuya Uusalala. Ta tukonzyi kusangana a ceeco. Elyo mbungano yoonse iyo itwa mu nsangano eyo. Amuzwe ku cintu eco, cakufwambaana mbuli mbo mukonzya. Muyo bweza caando ca munyama, mukutaziba eco ncoli mukucita. Amuzwe kuli ncico.

¹¹⁰ Ndi syoma kuti mizeezo ya kumuuya inga ya cijata. Ndili masimpe mula cita. Pele Nda libuzya, okuya. Nekuba, to konzyi kuswaya cisi coonse. Ula konzya kutuma mateepu kuli ncico. Leza uyooba a nzila inwi ya kujata muzeezo oyo awo mbuto eyo mpo ibyalwa. Mbubo. Elyo Mumuni mbowa yuumina buyo [Mukwesu Branham wakamba maanza akwe—Mul.], ca mana, citola Buumi. Mbuli mwanakazi muniini ku mukalo, waa kati, “Nceeco We.” Waa ka Cijata.

¹¹¹ Amuzwe ku cintu eco. Ca katukwa. “Katukwa?” Amu ndaambile awo umwi mpa kawida a kubuka alubo. Amu ndaambile umwi wakabuka oyo nkabela ta kawa. Aboobo, inga mwabona kuti cintu cili lubide. Yaa.

¹¹² I milandu tii yakalina zula pe, yaba Amori, aboobo bakacita kumukisya akulindila kakutaninga kuba kulonga. Pele cindi ba Amori niba kazula milandu yabo, mpawo kwakasika kulonga kwa kumuuya, na kulonga kwakunyama, kusololela bantu ku nyika yakunyama, oko muna Amori wakunyama nkwa kakkede lumwi, kaita eyo nyika yabo.

¹¹³ Elyo milandu ya kabungwe ka Amori yakaliita kuti “Mbungano,” kwa ciindi cilamfu, mane milandu yabo itandila

kuzulila.

¹¹⁴ Kuboola kulonga, oko Leza nkwayo tondezya boonse mbo babede; oko Mbungano Lwayo, Nabwiinga wa Jesu Kristo, uyooba kulonga kuzwa, kuya mu Nyika eyo yaka syomezegwa. “Mu Ng’anda ya Taata Wangu kuli makkalilo manji, mu busena obu.” To elede kuunka Okuya a kulwana mbuli mbo bakacita. Cili bambidwe kale. Ikuti na cilawo eci caansi cakukkalila camwaika, tuli jisi comwe kale cilindila, “Kuti oko Nkwe bedede, a nywebo muyooba.” I kulonga kupati kuli afwaafwi!

¹¹⁵ Amulangilile obo Leza mbwa kacita kulonga oko, eco Nca. . . kulibambila oko Nkwa kabamba, a kulangalanga aniini buyo, mpawo amulange sunu. Yaa. Amubone, kakutana kulonga oku, “Mpaawo kwa kabuka i—i farao oyo watakazi Josefa.” Mwabona? Ii farao oyo watakazi Josefa. “Ta kazi Josefa.” Ino *Josefa* wakaiminina nzi? I cibeela ca kumuuya mu kulonga oku kwa kumuuya.

¹¹⁶ Mpaawo kwabuka lino, “Tuli lwaanguluko.” (“I mwanakazi waka saninwa ku ciindi, ciindi, a kwaabaula kwa ciindi.”) Pele kumalekelo mpaawo kwakabuka i—i Jos-. . . na farao mweendelezi wanguzu zimaninide oyo watakazi lwaanguluko lwa bukombi, kuba kamantanya antoomwe. Muta cilekeli ku mwiindilila. Mpaawo kwakasika ciindi awo nikwaali farao, lutaanzi, kacita kusika.

¹¹⁷ Elyo tubunga twa kapona cabukali, kapona mbuli mutabi waka somekwa, mu musaansa wini wa Bunakristo, pele ucizyala micelo yayo ntaanzi: banakazi, kabata samide kumaninina; baalumi, bapampu, a kukaka nguzu zya Muuya. Pele, ya kapona kungsi lya zina lya mbungano ya Bunakristo. Walo musaansa waka somekwa. Pele Mukamwini muunda ula boola mungsi lino ku kokola musaansa oyo, mbuli Mbwa kaamba kuti Uyo cita. Boonse abo bata jisi mucelo bala gonkwa a kusowelwa mu mulilo a kunyonyooka.

¹¹⁸ Ncintu cibyaabi ca kwaamba, pele Bwini ziindizimwi buboneka bubyaaabi, mbuli Mbwe mwaambila buyo, obo Leza mbwa bweza bana Bakwe kwiinda mu meenda malamfu a misenga ibalama a cintu. Ula cicita mu nzila eyo. Amuyeeeye, i—i mupika weelede kukomonwa mu kubimba, maila, zibeela ziniini zya kubumbwa a bulongo alubo. Kuboneka mbuli kuti ncintu cibbi ku kunyonyoona ceeci, pele ci leelede kucitwa boobo, kutegwa kucitwe mupika ku bambululwa alimwi, cimwi na kufumbwa ncoya bubamba.

¹¹⁹ “Kwakali farao oyo wakabuka, oyo watakazi Josefa.” Elyo ayo akali matalikilo aa matalikilo. Ayo akali matalikilo aa kulonga. Elyo cindi cintu eco nicaka talika kupangwa, kungsi lya ii—ii nguzu zya tunzenyu, zyakatalika kupangwa, Leza wakatalika kulibambila. I milandu yaba Amori yaka zulizigwa.

I ciindi eco Nca kasyomezya Abrahamu caka zulizigwa, nkabela ciindi ca lwaanguluko cakali afwaafwi.

¹²⁰ Elyo Leza waka zumizya farao kubuka, oyo watakazi Josefa, a Ramuse waka zyalwa. Elyo mpoonya kumane Seti kwaboola Ramuse. Elyo Ramuse wakali oyo watakazi zilongezyo zya Josefa. Elyo—elyo ta kazi lubazu lwa kumuuya mbo lwakabede. Wa kali buyo sibupampu musalesale wa tunzenyu, cakuti wa kali kukonzya kubweza Ethiopia a masi oonse amwi, kungsi lya nguzu zyampi. Elyo nku koonse nkwa kazi, kwakali i—i nguzu zya mpi.

¹²¹ Elyo Ndi yeeya kuti, ikuti na muntu uli oonse wakali simuuya, konzya kubona eco cicitika lino. Tuya buba a farao oyo utazi lwaanguluko lwa bukombi. Cindi muleli wesu na kabweza ofesi yakwe, ta kakonzya kukonkezya kuli ceeco, kuti wa kasyoma mu lwaanguluko lwa bukombi.

¹²² Ino kujatikizya buzuba bumwi cindi ni twa kajisi mubuzyo oyu wa lusalululo lwamibala, kuselemukila ku Musanza? Cindi oyu mweendelezi wa—wa Alabama . . . Ndi lombozya kuti Nda konzya kwaambaula ku mukutausi oyo, oyo Martin Luther Mwaami. Mbobuti muntu mbwa konzya kuba musololi, a kusololela bantu bakwe mu kooze ka lufu? Kutu na abo bantu bakali bazike, inga Nda baakuselemukila kokuya, kutubula bbaki lyangu, kuba lwanina bantu. Tabali bazike. Balo mbasicisi nyina. Balo mbasicisi nyina ba cisi. I mubuzyo wa “kuya ku cikolo.”

¹²³ Balo bantu, ikuti na bajisi moyo muyumu nkabela tabazi zintu ezyo, to konzyi kweenzya kunjila mu bantu, zintu zya kumuuya, ezyo zyuuma omuya a inguzu zya tunzenyu. Be elede ku cizumina, kuzyalululwa, mpawo bayo bona zintu ezi.

¹²⁴ Pele, oyu muntu, ikuti na Nda konzya biyo kukanana kuli nguwe; kusololela bantu abo bayandisi, kungsi lya zina lya bukombi, mu kooze ka lufu oko nkwaya kujaya zyuulu taimuzi zyuulu zya mbabo! Ta ba . . . Ba jana buyo i—i lubazu lwa kunyama.

¹²⁵ Oyu muntu, mukwesu uusiya, cindi kupapila oko kupati nikwa kasika mu Louisiana, Nda kaliko ku ciindi. Cindi i . . . Kuli mukutausi uusiya, mukwesu mudaala muyandisi, wakaima anze awo a kuti, kabuzya impi, “Sa inga Nda ambaula kuli mbabo? Balo mbantu bangu.” Elyo oyu mukutausi mudaala wakaima, awo, kati, “Ndi yanda kwaamba, cifumo cino, Nse fwabweeme ku mubala wangu. Mubumbi wangu waka ndibamba obo Mbwe bedede.”

¹²⁶ Eyo nje nzila Mbwa yanda kuti kacili mbubonya. Eyo nje nzila Mbwa yanda muntu oonse kukkalilila. Ula panga malubaluba atuba, a malubaluba aa bbulu, a mibala yoonse ya malubaluba. Muta atintanyi. Muta ba ingilili kutala. Mula lijana kulwana bulenge.

¹²⁷ Wa kati, “Nse kafwa bweeme ku mubala wangu, kusikila cifumo cino.” Wa kati, “Cindi Nda bona bantu bangu kababuka a kucita zintu nzo bacita lino,” wa kati, “ci ndibamba kuusa nsoni kuli mbabo.”

Nda kayeeya, “Leza alongezye jwi eelyo.”

Wa kati, “Uyo citya buyo penzi.” Kati, “Amulange ku zikolo okuno. Ikuti ni twa kanyina zikolo,” kati, “inga caba candeene. Pele nguni ujisi zikolo zibotu maningi omuno mu Louisiana?” Kati, “Atu bweze, kupa mukozyanyo, dolopo lyesu, Shreveport.” Kati, “Kuli cikolo cituba okuya, calo ncikolo cakale. Ba katuyakila cimwi cimbi. Taba jisi cibelesyo comwe, cintu comwe cakusobanina bana. Tu jisi lubuwa luzwide. Elyo kunze kwa boobo, ba katu yakila ciziba, cipati, ca cakuyambila ca bana besu ca mabwe. Elyo tu jisi bamayi bainda abo bakonzya kujanwa.” Kati, “Nkaambonzi nco yanda kuunka okuya, kakuli tu jisi kabotu awa? Ino ndi penzi nzi kuli nduwe?” wa kaamba.

¹²⁸ Elyo balo bantu, ba, “Rah!” Ba kazimya jwi. Mpaawo we, mwabona, bunanike bulubide.

¹²⁹ Balo bantu bakali bazike. Balo mbakwesu a bacizi bangu. Ba kali bazike, Nda kali kunga ndaamba, “Atusangane buyo a mbabo a kuselemukila mu kagwagwa a kukazya cintu eco.” Tabali bazike. Balo mbasicisi nyina a nguzu nzyoonya kufumbwa muntu umbi nzya jisi. Ncikama buyo ca bunanike cizwa ku gehena, ku citya bali mamilioni abo kujaigwa. Bala talika lucinco lupati. Cilimasimpe, mbo cibede. Tacili kabotu.

¹³⁰ Baalumi a banakazi bajisi nguzu zyabo beni. Bakwesu basiya, a ba Japanizi besu, abayelo, bakuwa, basiya, a kufumbwa mbo bakabede, kwiina lwandaano mu mubala wabo, kwiinda kuli Leza. Toonse twa kazwa ku muntu omwe, Adamu. Pele ikuti na Leza waka twandaanya a ku tusandula kuba mibala yandeene, katucili mu nzila eyo. Ikuti na Nda kali ii—ii muntu wayelo, inga Nda yanda kukkala mu ba Japanizi, na ba Chainizi. Nda kali i—i—i muntu uusiya, inga Nda yanda kukkalilila mu nzila eyo. Leza wakandi bamba boobo.

¹³¹ Mukasimpe, kuli kunji kujatikizya mukowa uusiya oyo mukowa wa bamakuwa weeledede kuba awo. Taba jisi kulibilika. Bsimuuya maningi. Kuli zintu zili cuulu kujatikizya mbabo ezyo mukuwa nzya takonzyi akwalo kuguma. Leza waka balenga boobo.

¹³² Nguni wakali kukonzya kusola kwiimba kkwaya ya bantu basiya? Nkokuli nko konzya kujana majwi? Nda kababona kabazwa ku manyika kaindi okuya, teebe kazi oyo, janza lya lulyo a lya lumwensi. Mikowa ili makumi otatwe na makumi one yandeene ya mbabo, nkabela baimba ku busena, simalela kaimvwi alya, kati, “Nse konzyi biyo ku ciguma.” Wa kayiisiya baimbi kwa myaka minji, nkabela umwi uyooba kuzwidilila kwiindilide, akuya ansi, a zintuzyoonse. Kati, “Amuswiilile kuli

ceeco, cakulondoka buyo, akwalo mu mwaambo wandeene.” Ba kapegwa cipego.

¹³³ Pele, nywebo mwabona, zintu ezi zyoonse zyeelede kucitika, koonse nkaambo ka muntu situnzenyu oyo nywebo nobantu ngo mwakasala amincini ya bumpelenge.

¹³⁴ Elyo buzuba bumwi, cindi oyo mweendelezi nakaima okuya, waka konkezya a kusalwa mu ofesi eyo, kwiinda ku bantu, a mubuzyo wa kwanzaana kwendelana milawo yakazuminanwa iliwo, kuti cisi acimwi—acimwi inga catola muyeeyo waco wini kujatikizya ceeco. Ta kajisi makani, pele wa kabala mbali ya milao, kati, “Lino, cikolo ciiminina lusulululo lwa mikowa.” Ba jisi cikolo okuya. Elyo bana biyo bobilo basiya bakali kuyanda kunjila cikolo eco, cindi niba kajana makkolegi abo eni. Pele wa kaima a kuti, “Inzi?” Wa kaibala akwalo mbali ya mulao.

¹³⁵ Mpawo cindi nicaka jokela ku mulombwana oyu ngo tujisi okuno, oyo utazi Josefa, lwaanguluko. Kunyengelela mavooti ayo aabantu basiya, elyo mukuta ziba kuti yakali nkamu ya repablikani eyo yakabangulula, mu busena butaenzi. Kusambala bupati bwabo, ku cintu cili boobo, ku basololela mu kooze ka lufu, ku tondezya kuti ciyanza coonse cakapangwa aamuntu ceelede kuwa. Mbombubo ncobeni. Elyo Ba. Kennedy baka jisi mulindizi oyo wacisi, a kutuma baalumi abo kujoka nkoonya ku busyu bwa bamawisi beni kabaimvwi alya kungsi lya mbali ya milao. Eco cakamwaya mbali ya mulao alubo.

¹³⁶ Kati, “Ta tuka lwani. Peepe, munene.” Elyo kati, “Ndi syoma kuti cisi inga ca ziba kuti ta tuciponi limbi kungsi lya kulisalila, pele kungsi lya bulelo bwa simpji bumaninide.”

¹³⁷ Nywebo mulizi kaambyo kakaindi, “Lumwi kali muna demokrati wa kumusanza, lyoonse.” Ta ndizi lino. Uh-huh. Ncobeni muntu uyooba a kuyeeya kwini kwa kusinsimuka ku cintucimwi. Mwabona? Amuleke bantu abo bayandisi balikke. Muta bajayi, kumusanza okuya.

¹³⁸ Mbuli mulombwana oyo mbwa kadubula mukwesu oyo kusule, busiku bumwi, a ntobolo eyo, a baniini bana bakwe a mukaintu mu ng’anda. Ta ndikwe makani na nguni, oyo uluubaukide a kuceya. Iiyi, munene. Mbuli kuba mubetesi ku kaambo ako, lomwe. Uh-huh. Uh-huh. Kodubula mwaalumi oyo, kaboola ku muunzi ku mukaintu wakwe a bana. Ngu sicisi, uli jisi nguzu zya kwiimina eco nca yeeya kuti cili luleme, muntu mubotu. Cifoto mu *Life* magazini, mulombe oyo muniini kalilila bawisi. Elyo bamwi basikupapila okuya kunze, ba mudubula kusyule, ikuzwa mu kuvumpila kusaala.

¹³⁹ Mpe mpawo mposika cindi wakaka Kristo. Mbo mbubo. Awo mpempawo cisi coonse mpo casika, boonse kungsi lya tunzenyu. Alo mause loko, pele nce ncico nco twakali kuyanda. Twa kacitondezya mu kusala oku.

140 Mwana wangu muniini wati kuli ndime, cifumo cino, “Taata, bamatata bamuzwamasi, cindi niba kasika okuno, sena boonse bakali kuzulilwa ku kabungwe *aka* kamwi ka mbungano? Sena boonse bakali. . .” Kati, “Ba kajisi mabbaki mapati?”

141 Nda kati, “Peepe, oyandwa. Ba kaboola okuno ku lwaanguluko lwa bukombi. Nce ncico ncoba boola okuno, kuzwa kungsi lya zintu zili boobo.” Sa mwabona awo mpo casika lino? Tondezya kuti mami aya onse aeledede kuwa.

Nde elede kubinda.

142 Cintu comwe, Nda komba kuti Mukwesu Martin Luther Mwaami uyo sinsimuka ncobeni. Ula bayanda bantu bakwe; kwiina kuzumbauzya. Pele ikuti na mwabona buyo awo bunanike bwakwe. Ino mbubotu nzi mbo cinga cacita ikuti na waunka ku cikolo, milioni ya ndinywe kailede kulaale, kabafwide? Inga tii caba buyo, kuya ku cikolo, mbubonya buyo? Lino, nkambo—nkambo ka nzala, ikuti na yakali ya cintucimwi cimbi, bazike, i muntu uyooba sikufwida bukombi ku kupa buumi bwakwe ku kaambo kali boobo, kaambo keelela, alimwi ako inga kaba kaambo keelela. Pele kuunka buyo ku cikolo, Nse—Nse ciboni. Mwabona? Nse yeeyi kuti Muuya Uusalala ula zuminana a nguwe, pee, ali ceeco. Cakacitya bantu kunyanyamukwa, mu nkamu ya kubotelwa kwa congo cibbi, nywebo mwabona.

143 Mbubonya—mbubonya mbuli Hitler mbwa kacita, okuya mu Germany, kabasololela moonya mu kooze ka lufu, balo bana German bayandisi. Elyo baka kkala kumbali lya mabbilioni, na mamilioni, baka lundana atala ali umwi aumwi.

144 Elyo nce cintu nciconya ncobeni. Elyo amuyeeye, Ndili aa teepu. Muyo cibona, kwainda, ndiza Nda kumana kuunka. Nce ncico ncobeni ciyo citika. Balo bantu bayandisi bayofwa kumusanza okuya, mbuli nzinini. Kutalika lucinco lupati, bobilo bakuwa a basiya bayo lwana alubo, a kufwa mbuli nzinini. Elyo ino ujisi nzi cindi zyoonse zyaakumana? I nkamu ya bantu bafwide.

145 “Pele mpaawo kwa kabuka farao oyo watakazi Josefa.” I cintu nciconya sunu, muntu wakabuka a kubweza cikonke mu i—mu Ng’anda Iituba, oyo utaka konkezyi ku cikonke cakwe, taka bwezi cikonke cakwe cakuti ula syoma mu lwaanguluko lwa bukombi.

146 Ino oyu poopu mupya waamba nzi? Umwi. . . Zintu zylene nzya jisi. Umwi wabo, ngwa kukamantanya muna Protestanti a Katolika antoomwe. Elyo ku muntu uli oonse mupampu, eco nce cintu cakucita. Pele kweendelana ku Bbaibbele, ncintu cilubide cakucita. Elyo Bbaibbele lyakati bayo cita ceeco.

147 Atu unke ambele aniini. Ku ciindi eci, Ramese, mu Egepita, wakali kukomena. Nguzu zyakwe zili mukukomena. I muntu wakunyama, Ramuse, wakali kukomena.

148 I muntu wakunyama, sikulwanakristo, uli mukukomena lino. Kwiinda mu tunzenyu, wasika kale ku Ng'anda Iituba. Mu bukombi, ujisi bantu boonse kulundana ncobeni, mane kusikila bakonzya kuwa ncobeni nkaambo kaco. Elyo basololi batubungwe, mukasimpe mbungano aimwi iliko mu cisi, cili kale mukuzuminana kwa mabungano. Ramesi uya bukomena. Lino boonse bali mu kulibunganya antoomwe, nkabela eco ncencico ncebayooba ancico. Elyo ino cicitu nzi? Ci bamba nguzu, munyama mbuli buyo umwi mutaanzi.

149 Mpawo kuli kupenzegwa kuboola ali baabo boonse bata kakamantani a ncico, a kupapila. Ciindi cino manide kale mpawo. Mwa kabweza kale caando. Utaambi kuti, "Ndiyo cicitu mpawo." Ncibotu ucicite eno. Ramuse wakali kukomena.

150 Pele amuyeeye, kuciindi Ramese nakali kukomena mu nguzu, mu Egepita, Leza waka jisi Musa mu nkanda. Wa kali kuya bukomena, awalo. Ramesesi waka jisi ciyanza ca tunzenyu. Leza waka jisi ciyanza ca kumuuya, kungsi lya musinsimi, kalibambilide kuseluka, ku kanana ku bantu.

151 Bobilo bali mukukomena alubo. Kuyooba kazekelo, bumwi bwa mazuba aya. I ciindi tacili kulaale cindi nokuyo boola kazekelo. Mbuli kunyama... Mbuli Lugwalo mbo lwaamba, "I cakunyama cakali kutondezya ca kumuuya." To konzyi kutantamuka kuzwa kuli ncico. Nceeco we. Cili nkoonya kumbele lya meso ako. Bwalo Mbwini. Amulange ku Mbungano lino, kaitila kuzwa, kuboola mu nguzu. I Muuya Uusalala kuuseluka aansi, makani aasisidwe aa Leza ali mukuyubununwa a kubikkwa mu ncililano. Mwabona? Elyo mpoonya awa, uli kale mu Ng'anda Iituba. Elyo Mbungano ila likwela Lwayo antoomwe, ameni, kutali kabungwe; kuzwa ku bwaange bwa milandu, kuzwa kuli ba Amori, bantu abo baangulukide. Oh!

152 Leza waka jisi Musa, kuba musinsimi Wakwe. Nekubakuti wa kasinsimide kale, alimwi caka tondezya kuti wa kali luleme, pele nekubaboobo wa kali mu cikolo ca nkanda, kasisidwe kuzwa kuli bumwi ba inyika. Pele wa kayiisigwa, kali mukuyiisigwa, mu nkanda.

153 I basinkondo baya kupa muzeezo, lyoonse, ciyanza cakwe. Elyo kutasyoma kuyo cizumina, nkaambo sinkondo ncitondezyo cabupampu.

154 Lino, amuyeeye, kuli biyo zybilo. Muta lubi eci. Kuli biyo inguzu zybilo. Imwi ni nguzu zya kumuuya, zya Muuya Uusalala. A zimbi ngu dyabulosi, kabeleka kwiinda mu nguzu zybupampu. Nkambo, mpe mpawo mpa kanjilila, mu muunda wa Edeni, kwiinda mu inguzu zybupampu, kubamba Eva kusyoma mu muzeezo wa bupampu, kulwana Ijwi. Cantangalala buyo mbuli mbo cikonzya kuba, bana inga bakonzya kucijata eco. Mwabona? Mwabona? Elyo nje nzila mbo cakabede, lweendo loonse kuselemuka.

¹⁵⁵ Nceeci we, mu Egepita, cifumo cino. Kuli nguzu zyangupampu zibeleka muli Ramuse, ku muleta ku nguzu. A ku musumpula, oyo utazi lwaanguluko lwa kulekela eco Josefa nca kacita, eco mbungano ncoya kacita kumatalikilo.

¹⁵⁶ Elyo lino tula bona cintu nciconya, nguzu zyangupampu kazi njila akati ka mabungano, eno casumpuka loko kusikila silutwe wa bukambausi oyo utabikkili maanu kujatikizya ceeco Bbaibbele nco lyaamba. Ba kajana ciyanza cabo beni. Tacili ceeco Bbaibbele ncolya kaamba. Nceeco mbungano ncoya kaamba. Elyo ba Protestanti baka njila moonya muli ceeco, kusikila nkamu zyabo zyoonse ziniini, mbuli boobu, “Ee, masimpe. Ee, Ndi lizi Lya amba *Ceeci*, pele Nda mwaambila, mazuba ayo akamana.”

¹⁵⁷ “Ciwa ca bukombi, a kukaka nguzu.” Lugwalo loonse mu Bbaibbele lutondeka kugama kuli ncico.

¹⁵⁸ Lino mwabona kaambo Nce yanda ku teping’a eyi a kwiituma ku bantu. I oora lyasika. Bwini bweelede kuzibwa. I kulonga kuli afwaafwi. Mwabona?

¹⁵⁹ I—i cibeela cabupampu ciboneka kulondoka. Elyo cili londokede, cili mbubonya; pele, kulondoka, bunanike bwa Saatani.

¹⁶⁰ Elyo mpawo, ciindi coonse, kuti, oku Ramesesi kwa bupampu kwakali kukomena a kboola ku cuuno cabwami. Elyo amuyeeye, wa kabuka mbuli mukwesu kuli Musa, mwabona, mukwesu kuli Musa. Umwi wabo wakacita kubweza cuuno cabupampu, mbuli buyo Josefa ku babunyina bakwe. Elyo ncinzi ncoba kacita kuli Josefa muniini? Kamutanda kuzwa ku Ijwi. I Ijwi ngu Leza. Elyo bakatanda Ijwi, a kuzumina kayanza kabuzumini. Elyo lino kayanza kabuzumini kakomena ku nguzu.

¹⁶¹ O Leza, lekela bantu babone eco! Mbobuti mbo Ndi konzya kubelesya jwi limbi? Mbobuti Mbwe konzya kucibamba antangalala loko kwiinda ku Magwalo, kungsi lya bunanike bwa Muuya Uusalala, kuti tuli waano?

¹⁶² “Oh,” yebo wati, “ee, lino, ikuti na eco cizwa kuli Poopu John, na Poopu *Nini-a-niini*, na Bishopo *Nini-a-niini*!”

Sena ta muboni kuti Leza wakaweza sikukkala mu nkanda winini muniini?

Kwaamba, “Mbobuti coonse mbo cikonzya kulubila?”

¹⁶³ Leza ubeleka a mugame, kutali a nkamu. A mugame; Leza kabamba Wakwe—Wakwe, kujana Wakwe. Cintu biyo Nca keelede kuba aco muntu omwe oyo Ngwa kali kukonzya kubeleka awe. Nku koonse Nkwa yanda muntu omwe. Wa sola ku babweza, kwiinda mu bukkalo abumwi. Ikuti na Wa konzya kujana muntu omwe! Wa kajana muntu omwe mu mazuba akwa Nowa! Muntu omwe mu mazuba akwa Eliya! Muntu omwe mu mazuba akwa Johane Mubapatizi. Muntu omwe buyo nku

koonse Nkwa yandikana. Mu mazuba aa babetesi, Wa kasola kujana muntu omwe, Samusoni, kumupa nguzu zipati, pele wa kazisambala ku mwanakazi nkabela wako ofwazigwa. Balo mbabetesi; tii cakali boobo. Leza ngo Mubetesi. Mwabona?

¹⁶⁴ Nywebo mwabona, sunu, Walo usola kujana muntu omwe oyo Ngwa konzya kubikka mu janza Lyakwe, oyo uyo amba Bwini, oyo uta koyooba mukandu a ncico, oyo uta koyoowaala nyindi, oyo uta koyooba situyanza; muntu omwe Ngwa konzya kujata mu janza Lyakwe a kutondezya Ijwi Lyakwe kalipona, a kulitondezya Mwini kali muumi. Nda syoma inga Wa jana muntu uli boobo. Nda cita. Ndila ci syoma. Ndi li. . . syoma biyo Bbaibbele ukubwene, ku syoma kuti Ula konzya ku cijata, mbo mbubo, kuti inga bwaambila Bwini.

¹⁶⁵ Kwiinde kaindi, tu jana kuti, kumane kwiinda mu zikolo ezi zyoonse. Lino amulangilile. I sinkondo ulombozya cintucimwi, mizeezo ya bupampu, nkaambo sinkondo uli mukubeleka aa bupampu. Elyo muzeezo uyo kkala ansi a kucibuzyabuzya, a kwaamba, “Lino, lindila aniini buyo. Sa tacili boobo, kuti kkanso. . .”

¹⁶⁶ Nda kaambaula ku mwaalumi buzuba bumwi, elyo wa kati, “Langa, Billy!” Walo ubeleka ku Public Service Company, mwaalumi mubotu. Elyo wa kati, “Ndi yanda ku kubuzya cintucimwi.” Kati, “Uli muna Irish.”

Nda kati, “Iiyi, munene.” Kati, “Ndi baanga ndafwabweeme kuli ncico, pele, nekubaboobo, Ndi me.”

¹⁶⁷ Elyo wa kati, “Ee,” wa kati, “sena tozyi kuti ncobeni, weelede kuba muna Katolika?”

¹⁶⁸ Nda kati, “Ndime, uh-huh, katolika ntaanzi, uh-huh.” Nywebo mulizi, Mbungano ntaanzi yakali Mbungano ya katolika.

¹⁶⁹ Sa mwabona awo mpo ceelede, sunu? Ca katalikila ku Pentekoste, pele kabunga kaka ibikka awo mpo ibede lino. Amulange ku Pentekoste, kajokela ncobeni a kubunganya a kucita cintu mbungano ntaanzi ya Katolika. Elyo batandila kulaale sunu mbuli mboba bedede, mbuli mbo bakabede mu myaka ili zyuulu zyobilo. Elyo myaka ili makumi osanwe ya kabaleta kutandila kuli ncico. Mwabona?

¹⁷⁰ Wa kati, “Sena tosyomi kuti cindi nkamu ya mizeezo ya bupaizi,” mpaawo we, “kkala antoomwe a kubuzya cintucimwi, nkabela nkamu yoonse inga ya zuminana, muta yeeyi kuti inga baba buyo baniini. . .Nkaambo, Nda boola ku kumvwa kokambauka,” kati, “pele Nse zuminani a nduwe.”

¹⁷¹ Elyo Nda kati, “I nzila biyo njo konzya kutondezya kuti kutazuminana kwako kuleelela, nku citondezya kwiinda ku Bbaibbele.”

Wa kati, “I Bbaibbele tali jisi cintu cakucita a ndilyo.”

172 Nda kati, “Kuli nduwe, Inga tii caba. Pele, kuli ndime, Nku koonse cakucita a ncico. Mwabona, Ndi Ijwi.”

173 Elyo wa kati, “Muta yeeyi kuti cikama ca mizeezo ya bupaizi ili antoomwe, ikonzya kuba anguzu kwiinda, amu kubaakusinizya kwa nguzu, kwiinda mulombwana umwi muniini, uutayiide mbuli nduwe lwako?” Elyo Nda kati. . . “Ee,” kati, “ni ncito nzi njo elede kwaamba cimwi kulwana elyo bbai- . . . na kulwana mbungano yesu—yesu? Cindi, kwakali, muciiindi ca bukkalo, cindi niba kajisi kkanso ntaanzi ya mbungano, mbuli mbo kaambide zyanjiyo, okuya busiku bumwi. . .” cindi na kamvwa eci, makkalo aa mbungano, aa kkanso ya bupaizi kaibungana ku Nicaea, Rome, a kubumba mbungano ya Katolika yaba Roma. Kati, “Sena tamuzi kuti kwakali zyuulu zya bantu, muuya, bantu bakatumwa aa Leza baka kkede mu kkanso eyo? Alimwi sena tamu yeeyi kuti mizeezo yabo inga yaba ciyo cinji ca kuziba luyando lwa Leza, kwinda yako anselelo awa, Leza nakamana kutondezya kwiinda mu myaka ili zyuulu zyo bilo kuti eyo mbungano ili luleme?”

174 Nda kati, “Ta ka itondezya.” Nda kati, “Ikuti na mbungano eyo ni Mbungano ya Leza, atu ibone kaizyala mbuli Mbungano ntaanzi mboya kacita kaindi. Atu ibone kaileta zintu nzo bakacita ku busena butaanzi. Cindi, akwalo Bbaibbele lilaamba, kuti, ‘Taakwe kazila komwe na kabala komwe kayo kakilwa kuli Ndilyo.’ Elyo Wa kati, ‘Kufumbwa muntu uyo gwisya Ijwi lyomwe kuzwa kuli Eli, na kuyungizya ijwi lyomwe kuli Ndilyo, cibeela cakwe ciyo gusigwa,’ naa ni kkanso ya bupaizi na kufumbwa mboibede, ‘kuzwa ku Bbuku lya Buumi.’ Uli manide.”

Kati, “Billy, uli fukula buyo.”

175 Elyo Nda kati, “Mpawo, Nda yeeyela, ciindi cimwi mu bulemu bupati bwa Israyeli, cindi niba kandaana mbuli ba Protestanti a Katolika mbo bacita sunu, Israyeli yakali kuyanda kusyaala Israyeli.” Pele Nda kati, “Tu jana kuti baka jisi mwaami wakaulikidwe Josefati, muntu uululeme oyo wakasola kubamba i—i—i milao ya Leza. Pele baka jisi umwi umbi awa wakaulikidwe Ahabu, oyo wakakwata mwanakazi, tunzenyu, kusola kubweza bulongwe a cisi cimbi, a kukwata umwi wa bana babo basimbi, Jezebele, a kumuleta mu i. . . akati ka bantu ba Leza.” Cintu nciconya nco tucita, a kunjizya. “Nkabela waa kaba mweendelezi; kubamba Ahabu kwaamba *ceeci*, a kubamba Ahabu kwaamba *ceeco*.” Cintu nciconya ncobali mukucita eno. Elyo Nda kati, “I kazekelo kasika.”

176 Ba kali kuyanda kukamantanya mabungano obilo antoomwe, mbuli mbo bali mukusola kucita lino. Elyo—elyo kuli Ahabu. . . Nekuba akwalo kuli Josefati, muntu wa kabunga, kati, “Iiyi. Eco ciyooba kabotu. Bantu bako mbantu bangu. Toonse tuli Banakristo. Toonse tuli basyomi. Atu boole antoomwe.” Pele cindi naka selemukila ku kazekelo, wa kati,

“Sa tamu yeeyi kuti tweelede kuunka ku mupailo kujatikizya ceeci? Twe elede kubuzya Mwami.”

Elyo wa kati, “Iyi,” wakaamba Ahabu.

Aboobo wa kati, “Ndiyo kwaambila cintu. Atu jane musinsimi wa Mwami.”

¹⁷⁷ Pele, nywebo mwabona, Ahabu waka jisi ciyanza eco ncakali kuyeeya kuti cakali ca Mwami. Wa kati, “Ndi jisi bali myaanda yone ya mbabo, bakaiya a kuyiisigwa.” Elyo bataminina kuba basinsimi ba Hebrayo, mbuli nkamu zya bakutausi mbo zicita sunu.

¹⁷⁸ Elyo baka bagusya, a kubabuzya mubuzyo kujatikizya i—i kuzwa ku nkondo. Elyo umwi aumwi wabo wakasika antoomwe a kukamantana, mbubonya mbuli kkanso ya bupaizi mboi cita sunu, elyo baka boola a mubuzyo. “Koya kutala. I Mwami uli a nduwe, nkambo eyo nyika nji yesu ncobeni. Elyo kutonta ba Siria kuzwa awo, na ba Filisti. Kuba tontela anze, nkaambo nyika nji yesu.” Eco cilimvwisya kabotu loko. Mwabona?

¹⁷⁹ Pele, nekuba, kungsi kwa moyo wa Josefati, taka mvwika kabotu. Wa kati, “Ndi lizi mujisi bakutausi bali myaanda yone bakayiisigwa kabotu okuya. Elyo boonse bali a kuzuminana komwe, akwalo mane bakapanga meja aa butale a kwaamba, ‘MBUBOUBU MBWAAMBWA I MWAMI.’ Pele sa inga twa jana umwi umbi?”

¹⁸⁰ Wa kati, “Muta lekeli mwaami kwaamba boobo,” situnzenyu wakaamba. “Muta lekeli mwaami kwaamba boobo, nkaambo aba bantu bakayiisigwa. Nda kaba yiisya, lwangu.” Nce ncico. Mwabona? Nce ncico. “Nda kayiisya bantu aba. Pele, kuli omwe uumbi, pele Nda musula.” Mwabona? Kati, “Oyo ngu Mikaya, mwana wa Imula, pele,” kati, “Nda musula. Tali cintu pele muzangi akati kabo. Lyoonse ulababwekela. Lyoonse undaambila kuti Ndili lubide. Amulange bwami bwangu.” Inzya, amu cilange, amulange obo kunyongana mbo kwa kabede.

¹⁸¹ Amulange ku kabungwe kanu, sunu, “Bala ciwa ca bukombi a kukaka nguzu zya mbubo.” Mwabona? Oh, inga waba milioni bambi, a bantu bambi, a bantu baka yiisigwa kabotu, pele muli kuli mu Muuya? Zili kuli nguzu zyako, zyakali muli Samusoni, cindi na kaima awo, mbuli Mbwe kaamba buzuba bumwi? A milimo yakwe yoonse mipati ya bube okuya, a mulambi oonse omuya, pele kakutakwe Buumi muli nguwo. I Muuya wakali musiide. Ta kali kugwasyika. I mwana muniini kamusololela koonse; meso atakuboni, nkaambo ka mwanakazi umwi. Mbubonya mbuli mbungano mboibede, sunu, kweenzegwa koonse ku tunzenyu, mabbishopo, baalu, a misyobo yoonse ya zintu. Bamaalumi kaba kwela makuba, kujana cintucimwi mu ngowani yabo, a zintuzyonse. Mpaali mpo tubede? Aboobo cindi twa sika ku kasena aka . . .

182 Ba katumina a kujana Imula, na i...kutali Imula; pele Mikaya, mwana wa Imula. Kamujana aku mutuma. Elyo wa kasinsima a kubaambila kuti Ahabu uyo jaigwa ikuti na wakainka kutala kuya.

183 Elyo oyo archibishopo waka mubakula lubayi ku mulomo. Wa kali kusyomeka kujatikizya ncico. Wa kati, “Nkokuli Muuya wa Leza nko waunka cindi Ni waka ndisiya?”

Kati, “Uyo bona.” Uh-huh. Uh-huh.

184 Kati, “Amu mubikke mu ntolongo. Amu mubikke mu ntolongo ya mukati. Amu musanine cinkwa ca buusu, a maanzi aa buusu. Elyo cindi Nda kujoka mu lumuno,” kati, “Ndiyo mubeleka mulombwana oyu.”

185 Elyo, Imula, mukuziba kuti wakali luleme a Leza! Nkaambonzi? Cilengaano cakwe cakeelana a Ijwi. Wa kali musinsimi. Elyo muuya wakwe a cilengaano cakwe cakali mbubonya ku musinsimi, Eliya. Wa kati, “Ikuti na uka bweede, noku ceya, mpawo Leza nata kaambaula kuli ndime.”

186 Lino, Nda kati ku mulombwana oyu, “Eyo yakali luleme, kkanso ya bupaizi oko baalumi bali myaanda yone bakasalwa nkoba kakkede antoomwe, bakasalwa a bantu, na omwe muzangi muniini wakasalwa aa Leza?”

“Ee,” wa kati, “ee, mbobuti mbo konzya kuziba lwandaano?”

187 Nda kati, “Kujokela ku Pulani!” Mbobuti mbo tuziba kuyaka buyake citakuti kuli pulani?

188 Ikuti niba kaima kaindi kaniini, a kuziba kuti musinsimi oyo, Eliya, waka singanya Ahabu, a kuti, “I babwa bayo ntwakizya bulowa bwakwe.” Elyo ba kacita. Mbobuti mbwa konzya kuleleka eco Leza nca kasinganya?

189 Mbobuti mbo konzya kuleleka kufumbwa cintu eco Leza nca singanya? Kozwa ku cintu. Kotantamuka kuzwa kuli ncico. Boola muli Kristo. Amenii.

190 Lino amubone. Pele, sinkondo uyo bamba muzeezo. I sinkondo uyo bamba cintu, ku cibamba, a mizeezo ya bupampu kwaamba, “Mbo mbubo.”

191 Awo mpempawo mukwesu oyu muyandisi mpa kabede. Oyu muntu, wa kati, “Boneka mbuli... Langa awa. Nywebo mulizi, kuti, ikuti na toonse swebo twaba antoomwe, mbuli mbungano yomwe, sa tamu yeeyi kuti inga twa yaba kabotu kwiinda kusabalangana nzila mbo tubede lino?”

192 Sena eco tacilimvwisyi kaambokaluleme, ikuti na boonse ba Protestanti a ba Katolika bakali kukonzya kuba antoomwe a kuboola ku busena bumwi buzumanana? “Pele mbobuti bobilo mbo bakonzya kweenda citakuti bazuminana?” Mbobuti mbo konzya, kakuli nkamu yomwe *awa* tai syomi mu kuponesegwa, *imwi* imbi yaamba kuti bala syoma, *umwi* umbi ula cibikka

ciindi cimbi kusule? Bamwi taba syomi akwalo Bbaibbele. Elyo kobikka ezyo antoomwe, ino ujisi nzi? Leza tali mukamwini wa lupyopyongano.

¹⁹³ Leza katana konzya kusola kubikka Mbungano Yakwe mu ncililano, ba kalindila kwa mazuba ali kkumi a masiku, mane boonse bakaba “mu busena bomwe, mu kuzuminana komwe.” Elyo mpaawo kwakasika Muuya Uusalala ku busololi, kutali kkanso imwi ya bupaizi. Mwabona? Nda syoma mwamvwa eci. Amubone.

¹⁹⁴ Oyo ngu sikutasyoma, uutazimiki ku Ijwi lya Leza, oyo utaboni eco Ijwi nco lyaamba, pele amubone ku mwini kubuzyabuzya kwanu. Nce ncico Eva nca kacita, mu busena butaanzi. Waa kayaamina ku kubuzyabuzya kwakwe.

¹⁹⁵ Saatani wakati, “Lino, langa awa. Sa tacili cibotu? Ndi lizi Ijwi lyaamba *Ceeco*. Pele, lindila aniini, sa tacili cibotu kuti—kuti inga cabota kuzwa ikuti na waziba ciluleme kuzwa kuli cilubide?”

“Baa, iiyi.” Mpawo waa kacibweza. Mwabona? Masimpe.

¹⁹⁶ Eyo nje nzila a kaambo. Lino, kutasyoma lyoonse kuyounka kubuzyabuzya, pele lusyomo talu kakugumi.

¹⁹⁷ Sa nicata kaba kabotu kuli taata wesu; kuzwa kuli taata wa lusyomo lwesu, Abrahamu, kuti tuli bana bakwe kwiinda “muli Kristo.” Sa nicata kaba akuyeeya kuti mwanakazi wa myaka ili makumi ali cisambomwe ayosanwe yakukomena, elyo wa kaponi awe, kuzwa ciindi nakali musimbi, takali kukonzya kuba a muvwanda? Elyo cindi nakali a myaka ili mwaanda yakukomena, na makumi ali fuka, a nguwe kali mwaanda, nkabela ka kutakwe muvwanda. Taka buzyabuzya, bamwi babelesi bapati ba madokotela a sayaansi bakapa Sarah kulangwalangwa? Kati, “Baa, zyalilo lyakwe lyaka yuminina. I nsinga zya mukupa zya kayuminina, myaka ili makumi one yakainda. Moyo wakwe, bukkalo obo, ta kakonzya kunjila mu kubeleka.” Baa, nkubuzya buyo.

¹⁹⁸ Pele Abrahamu waka cikaka. “Ta kazungaana aa cisyomezyo ca Leza, kwiinda mu kutasyoma. Kulwana kubuzyabuzya, ta kazungaana ku cisyomezyo ca Leza, takukwe makani mbo cakabede. Nkambo wa—wa kali kubalide Leza wakali kukonzya kucita zintuzyonse Nzya kaamba kuti Uyo cita.”

¹⁹⁹ Lino, balikuli bana ba Abrahamu cifumo cino? Nywebo nobakutausi nomu yoowa, mula yoowa, cinkwa canu a maanzi, mu kagwagwa, ikuti na mwasiya eyo Babuloni. Luli kuli lusyomo lwako? Davida wakati, “Nda kali mukubusyi ciindi cimwi, elyo lino Nda cempaala. Nsena bwene mululami wakasiigwa, na Lunyungu Lwakwe kulombelela cinkwa.” Muta yoowi. Amukkale cabwini kuli Kristo.

200 Pele kutasyoma kuyo jata kaambo. Nce ncico nco cakacita. Lino mwa cimvwa? Kutasyoma kuyaaminide akubuzyabuzya, kuzintu zya mubuzuba. Lusyomo talu kaciciti.

201 Lusyomo lulanga ku Ijwi. Pele lusyomo lula libikka lwini aa Mwaala uutasunzigwi, Ijwi lya Leza Litamani. Amen. Lusyomo talu langi ku kaambo. Ta ndikwe makani kunji nko konzya kutondezya kuti inga cabota. Ikuti na Ijwi lyaamba kuti “peepe,” lusyomo lulakkala awo. Obo mbuyake busalala bwa lusyomo mbusena bwa kulyookezya.

202 Yanda ku mubuzya nywebo noba Lutherani, cifumo cino, nywebo noba Baptisti, a nywebo noba Katolika, elyo nywebo, kufumbwa mbomubede, nywebo no bantu batubungwe koonse ku nyika. Mbobuti mbo konzya kubikka lusyomo lwako aa kabungwe kako, kakuli ciliimpene ku Ijwi? Ino musyobo nzi wa lusyomo ngo jisi? Ujisi nguzu zya kubuzyabuzya, a kutali lusyomo. “Nkambo lusyomo luboola ku kumvwa,” kumvwa kkanso ya bupaizi? Sa inga wasola. . . Kati, inga wajana eco mu Buzuba Bwakuzyalwa bwa Balindu Bakale alicisi, pele toka cijana mu Ijwi lya Leza.

203 “Lusyomo lulaboola ku kumvwa, a kumvwa kwiinda ku Ijwi lya Leza.” Amen. Amu ndaambile muntu oyo omwe inga waamba kufumbwa cintu ciimpene kuli Eco, a kwaamba kuti ndi Ijwi lya Leza. Cindi, “Majulu a nyika ziyo loba, pele eelyo Ijwi tali kaciti.”

204 Lusyomo lula jana Ijwi lya busena busalala bwa kulyookezya. Ula tanta ncobeni atala lya oyo Mwaala Utamani, Kristo Jesu, Ijwi, a kukkala alya a kulyookezya. Ailekwe myuuwo kayuuma. Alekwe maguwo aamvula. Ili kabotu, lyoonse. Ila kkala mpoonya awo aa Ijwi eelyo. Awo mpempawo lusyomo, lusyomo lwini lwa Bunakristo, mpo lukkala. Busena bwa kuyaamina ndi Ijwi, nkambo ulizi kuti Leza uyo sola kulitondezya Mwini kuba wiinda, kuli umwi aumwi wa basinkondo Bakwe. Takukwe makani obo mbo ciboneka bubi, a nzila sinkondo mbwa njila, a nzila mbo boneka mbuli kuti wa zundwa, lusyomo lucizi.

205 Lino, kuli ndinywe nobantu bacisidwe, oh, obo Mbwe yanda kweenzya ng’anda eyi! Cindi wajata lusyomo olo, kuti uyo ponesegwa; ciimo coonse—coonse, zintuzyonse zimbi, zitondezyo zyoonse, zitondezyo zyoonse inga zya tondeka kuti uli mukufwa, toka zungani! Busena bwao akupumuna buli mu busena busalala bwa Ijwi lya Leza, cindi lusyomo, lusyomo lwini lwakkala lwalyo awo. Kutali kulicengeezya lino; lusyomo. Kutali bulangizi; pele lusyomo. Bulangizi buli abusena *awa*, kulangila kuti cakali mukati. Lusyomo luli kale mukati, lungumana, a kwaamba, “Ca citwa.” Mwabona? Olo ndusyomo. Mpaawo lusyomo mpo lubweza busena bwalo bwa kukkalila, nkambo ulizi kuti Leza taka, lekeli sinkondo kweenda atala Lyakwe.

Ta kacita. Lusyomo lulizi obo, aboobo, kakutakwe kulanganya cintu mbo cakali kuboneka.

Nowa wakalizi kuti bwaato buyoibuka. Mwabona? Ncobeni bwakacita.

Daniele wakalizi kuti Leza wakali kukonzya kujala mulomo wa balavu.

I bana ba Hebrayo balizi kuti Leza wakali kukonzya kwiimika mulilo.

²⁰⁶ Jesu wakalizi kuti Leza uyo Mu busya alimwi, nkaambo Ijwi lyakati, “Nse kasiyi buntu Bwakwe mu gehena, naanka kuti Nka lekele Umwi Wangu Uusalala kubona kubola.” Wa kalizi kuti kubola kulatalika mu maora ali makumi ali ciloba aabili. Wa kati, “Mu mazuba otatwe Ndiyo buka alubo.” Mwabona? Ca katola busena bwaco Butamani kukkalila mu busena busalala bwa Ijwi lya Leza, elyo mpaawo kwa kaimikila.

²⁰⁷ Kaambo kayoosola ku bubotu bwaco kuziba, “Ee, *eci* ciyanza cili sinikizidwe kuba kabotu. *Eci* Nceeco.” Ci boneka kabotu nkaambo ulalanga a mizeezo ya bupampu. Inga watondezya kubuzyabuzya.

²⁰⁸ Pele to konzyi kutondezya lusyomo. Nkaambo, ikuti na wakonzya kucitondezya, talu cili lusyomo pe. Pele lusyomo luziba biyo Ijwi a cisyomezyo, nkabela lulanga ku cintu eco nco taboni. “Lusyomo ncintu ca zintu zilangilwa, cizibyo ca zintu zitabonwi.” To konzyi kubuzyabuzya. Nse konzyi kutondezya nzila mbo ciyo citwa. Ta ndizi nzila mbo ciyo citwa. Nse cizyi, pele Nda cisyoma. Ndi lizi kuti cili boobo, nkaambo Leza wakaamba boobo. Eco caka bambwa.

²⁰⁹ Ako nkekaambo Nce zyi kuti Eci cili luleme. Ndi lizi kuti Ijwi lili luleme. Ndi lizi Mulumbe uli luleme, nkambo Uli mu Ijwi. Elyo Nda bona Leza muumi keenda akati ka Nguwo, ku tondezya. Tuli ku kulonga, masimpe ncobeni.

²¹⁰ Alwalo lufu lwini talu konzyi kuzunganya lusyomo. Bantu baima buyo moonya mu lufu, mu i. . . moonya mu busyu bwa lufu, a koongolola kuzunda kwa bubuke. Paulo, “O lufu, luli kuli lumoola lwako? Cuumbwe, kulaali kuzunda kwako?” Mwabona? “Nkaambo, Kristo wakabuka, a baabo bali muli Kristo bayo yutuka a Nguwe ku Kuboola Kwakwe.” Mwabona? Konzyi kucicinca. Inzya.

²¹¹ Lusyomo lubamba Ijwi lya Leza busena busalala bwalyo bwa kuyaamina Kutamani. Lu lakkala mu Ijwi lya Leza. Amubone, alubo.

²¹² Lino, tu jisi buyo kaindi kambi kaniini, kutandila maminiti ali makumi obilo aosanwe, ikuti na—ikuti na tamu bikkili maanu. [Mbunga yaamba, “Ameni.”—Mul.] Ndi—Ndi yanda kuzumanana teepu eyi, aniini buyo.

213 Amubone mwaami, oyo mwaami mupya wakabuka, oyo watakazi Josefa. Ino makanze aakwe mataanzi akali buti, ku kunyonyoona nguzu zya Israyeli? Kali a bana babo. Mbo mbubo? Wa kasola kunyonyoona bana babo. Lino amuswiilile kabotu. I dyabulosi nguwenya, mu ciimo candeene ca buami, kasola kunyonyoona Mwana wa Leza alikke. Mwabona? “Amugusye bana, lutaanzi, kaba tana talika.” I dyabulosi muyuni mucenjezu loko, mucenjezu. Uli zyi nzila ya kuuma cintu kacitana talika. Uli cizi. Mwabona?

214 Elyo cintu buyo nco konzya kusola kucita, ku muuma, ula yaamina kuli Kristo, a kuli bombya lwako a ku Mu lekela ku kusololela. Mwabona? Tamu kaciciti mu nzila imbi. Inguzu zyanu zya bupampu tazi kaciciti. We elede ku cisyoma. Ko Mu yaamina buyo. Walo Mweembezi. Taili ncito ya mbelele kugusya umpe. Ni ncito ya mweembezi. Pele mbelele yeelede kukkala a mweembezi, kutegwa ikkale kaili kabotu. Obo mbusena bwangu bwa bukwabilizi, buli muli Kristo; alimwi Kristo ndi Ijwi. Obo mbusena bwa bukwabilizi.

215 Amubone. I dyabulosi, mu ciimo ca—ca Ramese, mwaami, i cintu citaanzi nca kacita nku gusya bana, a lufu lwa kunyama. Elyo Mwana wa Leza mbwa kazyalilwa buyo. . . Wa kazwa ku Egepita, nkaambo Leza wakanyonyoona Egepita, ka cisinganya. Ta cina jokela, kuzwida eelyo. Mpawo wa kali mu Rome; Saatani waka keenzya cuuno cakwe—cakwe kuya ku Rome. Elyo cintu citaanzi Rome ncoya kacita, ku inyonyoona coonse, ku jana, kuba masimpe; dyabulosi, mu cianza eco ca Roma, kasola kunyonyoona (inzi?) Mwana wa Leza, ku kutalika. I dyabulosi nguonya!

216 Elyo, sunu, wa cita cintu nciconya, kungsi lya citondezyo ca muuya lino, mukombi, kaamba Bunakristo, a kubweza basimbi besu a kuba kwata ku balombe ba Katolika, a kubabamba kuleta bana babo ba Katolika, kutyola nguzu zya lubazu lumbi. Ndeelyo daimona lyanu. Ngooyo dyabulosi wanu ukkede aa zilundu zili ciloba, kasamide misyini yotatwe, cabusongo buyo a cabupyungi, musongo, mupampu mbuli nzoka; lunyungu lwa nzoka, bana bakwe, kubelesya mancenjela ngaonya abupampu. Amulange.

217 Mpawo bala jaya bana, mu ziindi zimbi zyobilo. Bala jaya bana kubelesya nzi? Ciindi cabili. Lino amuyeeye, amulangilile abo bobilo, elyo mpawo botatwe. Mwabona? Wa kajaya bana, ziindi zyobilo zitaanzi, a lufu lwa kunyama. Elyo ciindi eci camamanino, uli mukujana bana a kubajaya kubelesya lufu lwa kumuuya, kukwata, kukwatana.

218 Sa Daniele takaamba cintu nciconya, mu bwami obu bwa butale a bulongo, kuti bayo sanganya imbuto ezyo, kusola kutyola nguzu zya bantu bambi? Elyo nce ncico ncoba cita, mane bajisi cintu lino. Ba jisi muleli wacisi. Lino, cintu citobela nco

elede kucita, nku bikka—nku bikka kkardinolo mukati. Bikka kaanda koonse mukati, elyo mpawo ncinzi ncoya kucita?

219 Cintu citobela nco bacita, bala bweza mali abo a—a kubbadela nkongole ya United States, a kucilomba kuzwa ku mbungano, elyo mpawo wa kasambalwa. Inzya. Lino, tu—tu pona sunu, kubbadelela nkongole zyesu zimbi okuya, a mali a mitelo ayo ata kabbadelwi kusikila myaka ili makumi one yakainda. Ta tujisi mali ambi. Pele mbungano ili kujisi. Sena Bbaibbele ta lyaambi kuti, “Ya kasakatide ngolide”? Elyo, oh, ma! Pele yebo. . .

220 Eyo nje nzila mbo cicita, mwabona, kukwata bana banu basimbi, bana basimbi kukwata bana banu, kubusya bana banu kuba ba Katolika, mbubonya, labajaya kubelesya lufu lwa kumuuya. Sena Bbaibbele teelya kaamba, kuti, “Uyo musowela mu bulo bwanyika, a kujaya bana bakwe kubelesya lufu lwa kumuuya”? Ciyubunuzyo 17. Mwabona?

221 Ndi Ijwi lyoonse. Ta ndikwe makani oko nkounka, licili Ijwi. Lyeedele kunjila mu cifwanikiso ncobeni. Ikuti na taciciti, talili Ijwi, talili Ijwi. To konzyi kucibamba kweenda mu nzila yoonse mu Bbaibbele, nkokuti cili lubide.

222 Amulange. Kuciindi eci, Leza wakali kwiiya mulanda Wakwe ku mulimo wakwe. Ku muyiisya, kuzwa ku meso abo, kuzwa ku mabambe abo, mancenjela abo. Sa mula cijata? Kuzwa ku cianza cabo cakabunga, Leza wakali kuyiisya muntu ku bukanze Bwakwe. Wa kacilekela buyo kuzumanana. Amu muleke a kwate, a kuba a mukaintu wakwe a bana, mwana Gershomu. Wa kali kupona buumi bubotu loko, kamulongezya okuya. Pele, ciindi coonse, Wa kali ku mubamba kulibambila, ku muyiisya.

223 Leza a sinkondo Wakwe bakacita, kunyama mpawo, mbubonya mbuli Leza a sinkondo Wakwe mbo bali mukucita ca kumuuya lino. Ba kabajaya kubelesya lufu lwa kunyama; lino a lufu lwa kumuuya. Mwabona? Leza wakali kubamba muntu wakunyama kulibambila, musinsimi Wakwe, kuunka kumusanza mu Egepita. Elyo Saatani wakali kubamba Ramuse kulibambila, muntu wakwe wakunyama, mwabona, kubamba muntu wakunyama kulibambila (inzi?) ku kujaya, na kukamantanya boonse bana Egepita aba Hebrayo antoomwe, kuba bamba kuti kabaci belekele.

224 Ako nkekaambo nciyumu kapati ku mizeezo ku buzyabuzya kulwana cianza calwiiyo eco cikonzya kutondezya twaambo twaco. Mwabona? Mbo mbubo. Mizeezo yayo lyoonse iyo unka ku lwiiyo. Bapampu a mizeezo ya kubuzabuzya tai Ci boni akwalo.

225 Sena mwabona *Milao Ili Kkumi* ya Cecil DeMille? Ndi yeeyela kuti bunji bwanu mwakacita. Nse syomi mu kuyo tondezya, zintu ezi zyoonse. Pele Nda kulwaizya ku mbungano, kuti kufumbwa muntu oyo, ikuti na taba jisi cintu cita

ceeco, oyo wakali kuyanda ku cibona, inga caba kabotu ikuti na bayanda kucibona, nkaambo, inga Nse lekela . . . Lutaanzi, bamwi bakwesu bangu bakaunka. Ba kaboola, ku ndaambila. Nse kali muni lya umwi kwa myaka minji. Kumalekelo, Nda kaselemukila kokuno, cindi necakali mu busena obu. Nda ka ilangilila. Nda ka ibona obo mboya kabede. Mpawo Nda kati ku mbungano, “Ikuti na uyanda kuunka kuyo bona ceeco, cili kabotu.” Nceeco mbo cakabede. Cakali ciyandisi, cibotu.

²²⁶ Obo mancenjela ayo aa dyabulosi, obo mbwa kali mukati omuya, obo mbwa—mbwa kanjila omuya ku kujaya bana abo. Elyo obo mizeezo ya bupampu mboya kacibweza a ku cisyoma, nkaambo bakali kukonzya kucibona! Cakali kabotu. Oh, obo Leza mbwa kabede, ciindi coonse, kwiiya musinsimi oyu! Elyo nzila Egepita mbo yakali kwiiya, mu tunzenyu, otu Ramuse, kutola bweendelezi! Elyo mpawo muzundano mupati wakasika, buzuba bumwi, akati ka nguzu zyabupampu a zya kumuuya. Elyo Ramuse, a tuleza twakwe toonse, twa kaliimvwi okuya a kutila maanzi mukati, ku—ku longezya kaleza ka Nile. Leza waka muuma, a bulowa bwakauluka kuzwa kuli nguwe. Wa kajisi . . . Oh, Nda—Nda kayeeya kuti cakali kubotelezya, mwabona, kubona eco cakacitika. Oh!

²²⁷ Lino amulangilile. I bupampu lyoonse buya kuunka ku kubuzuyabuzya. Elyo ta cikonzyi kubona lubazu lwa kumuuya, nkaambo mbupampu. Oh, nekuba kufumbwa ciindi cimbi! Taba konzyi kucibona eno.

²²⁸ Tiiba kakonzya ku cibona mu mazuba aa Eliya. Mbobuti oyu musinsimi wa busyu bomwe bwakaindi bugalankene . . .

Leza kondi jatila ku kwaamba cintu mbuli ceeco. Pele Nda—Nda impya-a- . . . Elyo Leza ulizi kuti Ndi sola ku—ku cibamba bufuba mbuli Mbwe konzya, kutegwa mukonzye kubona i—i Muuya wa Leza.

²²⁹ Mbuli Paulo mbwa kaamba, “Nse kaboola kuli ndinywe, kukanana a majwi akweelelezya a busongo, nkambo mizeezo yako inga yaleya kuya ku busongo. Pele Nda boola a nguzu zya Muuya Uusalala, kuti bulangizi bwanu—kuti bwanu—kuti bwanu—kuti bwanu a kusyoma ku yaamina, kutali mu busongo bwa muntu, pele mu nguzu zya bubuke izya Jesu Kristo.”

²³⁰ Ako nkekaambo Nce bamba eci bufuba loko, kwiinda mu kwiita musinsimi, mupati munaleza, “a busyu buzwide boya.” Nkaambo, kwayanda wakali ii—ii cintu ciboneka bubyaaabi, kwiima, lubazu lwa mupaizi waka samide kabotu, a kuliita mwini kuti muntu wa Leza.

²³¹ Amu mulange. Inga mwabona busalali bwa mupaizi oyo, mu mizeezo ya bupampu. Inga wabona buranian ku mutwe wakwe, a kunyona . . . a efodi kaibikkidwe aa camba cakwe *awa*. Inga wabona mafuta akunanika, kunyama, ku cilezu cakwe, kaselemuka ku moombe wa musinsi wakwe. Inga mwabona

mililo ya cituuzyo kiiyaka, a zilengwa zyoonse mu ncililano. Lino, eco ncencico muzeezo ya nyama ncounga wa yanda kusika.

²³² Nce ncico ncoba sola kucita sunu, liso, mulyango ku buntu. Pele, nywebo mwabona, liso lya kumuuya kujokela mu liso eelyo!

²³³ Ba kalanga ali yooyu mwaalumi kalangika kunyongana kaimvwi kuya, masusu acamba cakwe; a kabeela, kapati ka cikutu cambelele kazambaidwe ali nguwe, ka cikutu, cikobela ku cikungu cakwe, alo, matende atasamidemabbusu, maboko masyoonto aboya, nyama kulengelela bbazu *eli*; a kutuba, kukunka cilezu ku busyu bwakwe boonse; a kasamu kapilingene mu janza lyakwe, kaimvwi awo. Pele liso lya kumuuya lyaka konzya kubona nguzu zya Leza kazili mukweenda okuya, nkaambo cakali mbubonya mbuli Ijwi. Kutali eco bupampu nco bubona; eco liso lya kumuuya ncolibona!

²³⁴ Elyo i—i liso lya kunyama, sunu, libona mbungano ya bweebesi, ii luswaanano a meya wa dolopo, na—na bamwi bambi, mu kabunga aka ka tubungwe. Elyo bala kakilwa kubona nguzu zya Muuya Uusalala, cindi Wa konzya kubusya bafu a kuponya baciswa. Elyo—elyo—elyo nzila. . .Mwabona? Bala—bala langa, nkabela bala langilila Hollywood, nkabela bala langilila bantu mu kagwagwa.

²³⁵ I banakazi, sunu, bayeeya, “Ee, mwanakazi *oyu*, Susie, uzulilwa ku mbungano. Ujisi masusu akwe ageledwe. Walo unana misila. Bantubonse mu dolopo bala muyanda.”

²³⁶ Nda libuzya kujatikizya Julu? Mwabona? Cindi caimpana ku Ijwi, Leza takonzyi kuligozya. Uyo—Uyo liiminina Lwakwe. Uyo kaka Ijwi Lyakwe Mwini. Elyo akuzibwe, Leza taka citi ceeco, nekubakuti majulu a nyika zyaloba. Ii banakazi bageledwe masusu ndutuko, ku meso aa Leza, na mwanakazi uyo sama cikobela ca mwaalumi. Mwabona? I liso lya kumuuya lila Li jata; ba ponena Awa kwa ciindi. I muzeezo wakunyama ulapona kubuzya zintu zyakunyama zya buzuba.

²³⁷ Amubone lino, Leza kacita ceeci, elyo nekubaboobo bantu tiiba kacizyi. I muzeezo wakunyama wakali kweenda a kaambo. Leza lino uli mu kwiita kulonga kwa kumuuya. Oko Nkwa kaita kulonga kwa kunyama ku bantu Bakwe, Uli mu kwiita kulonga kwa kumuuya sunu, ku (Bakwe nzi?) Basale Bakwe, biyo ku Basale Bakwe.

²³⁸ Lino, Egepita tiiya kakonzya kubona Israyeli kailuleme, nekubakuti bulowa bwa kabelele aa mulyango a cikunguzyo ca munsende, a zintu zyakali kucitika.

²³⁹ Elyo Leza kumusanza okuya, keenda mu musinsimi oyu, a kubweza ijwi lya muntu. Aimikile awo, a kubweza i—i musako oyo ngwa kali ku yaama, a kusika kujwe, a kuti, “A kuboole nzinini, a kunyonyoona bana Egepita.” Keenda kujoka kuya.

Elyo bantubonse bakati, “Taakwe cakacitika. Taakwe cintu cakacitika.”

²⁴⁰ Pele mu kaindi biyo kasyoonto, nzinini yakaindi ya gilini yaka talikide kuzunguluka. Kwiinde kaindi, antela akali mapaundi obilo mu lubuwa lwa masikkweya, cakuti muntu wa kaamba bulenge mukuba.

²⁴¹ Ngoyu Ramusesi wakali sibupampu kaimvwi kuya, oyo wakali sikulwana; muntu mukombi loko, a kulwana Muuya wa Leza muumi. Elyo mizeezo yakunyama yakali kukonzya buyo kubona Ramesesi. Pele mizeezo ya kumuuya yaka bona cisyomezyo, a kucibona kaciboola kucitika.

²⁴² Ee, ikuti na Joshua a Kalebi niba kakonzya kwiita abo bana Amaleki, aba Hispo, aba Jeusi, mbuli kuti teebe kaliko, kakuli bakaindilila ziindi zyobile, nanka zyotatwe nanka zyone kuvula kwabo. Elyo mizeezo yakunyama, ku Kadeshi bania, cindi basikutwela niba kalanduka okuya, kati, “Aah, ta tukonzyi kucicita. Tu. . . Bali—bali maningi. Ee, tuli mbuli—tuli mbuli cisozi, lubazu lwabo.”

²⁴³ Pele Kalebi a Joshua bakabona cisyomezyo ca Leza, kati, “Tula konzya maningi kucicita.” Nkaambonzi? Ba kali kulanga, “Leza wakati, ‘Nda kupa nyika.’” Mwabona? I muzeezo wakunyama tau ujani. I muzeezo wa kumuuya ulaubweza.

²⁴⁴ Elyo nkaambonzi? Yanda ku mubuzya cintucimwi. Nkaambonzi bana Egepita ncoba takabona zintu ezi? Nkaambo tiiba kasalilwa. Leza wakaambila Abrahamu kacitana citika. Mwa cimvwa, no mbungano yona! Leza wakaambila Abrahamu kacitana citika, “Lunyungu lwako luyo endeenda mu—mu Egepita, kwa myaka ili myaanda yone, nkabela Njo bagwisya.” Ako nke kaambo baka cibona, nkaambo bakali salidwe ku cibona. Balo nkusala. Israyeli yaka salilwa kubona citondezyo ca Leza, nkabela ba kazwa mu Egepita oko batasyomi nko bakaloba.

²⁴⁵ Elyo, sunu, Leza uli mukwiita Basale Bakwe, Lunyungu lwa kumuuya ilwa Abrahamu, kwiinda ku lusyomo olo ndwa kajisi mu Ijwi Iya Leza. Sena tamu boni Mbuto ya kumuuya, sunu? Eyo taiboni mbungano ya bupampu. Ibona Ijwi. Elyo Uli mu kwiitwa kuzwa ku tubungwe oto tupati, mu Busyu bwa Jesu Kristo. Ameni. Sa eco cali antangalala? Sena mwa cimvwa? [Mbunga yaamba, “Ameni.”—Mul.] Ncibotu. Tuyo unka ambele. I Basale, buyo!

Mwii D.L.Ph., taakwe neba kasola ku Li bona. Tii ba kasalidwe.

²⁴⁶ Elyo, amuyeeye, aya maelekishini, aboola lino, ta cikainki buyo ku cisi cimbi, buya ku Bulemu, oko mazina abo nkwa lembedwe mu Bbuku Iya Buumi Ilya Mwanaambelele. Kutali kungsi Iya mwanambelele, muniini wakunyama oyo wakaleta Israyeli, kuti bakali kukonzya kuwa kuzwa awo a kujokela. Pele,

eci tacikonzyi. Eci cili kungsi lya Bulowa bwa Kabelele ka Leza oyo waka jaigwa kuzwa ku malengelo aa inyika. Elyo mazina abo aka bikkwa mu Bbuku lya Buumi ilya Mwanaambebelele kuzwa ku malengelo aa inyika. Elyo bali omuya, bakasalwa. Elyo cindi oyo Mumuni wamweka ali mbabo, mbuli boobo, malambo akabungwe alaloka kuzwa kuli mbabo, elyo mpaawa baboola. “Amuzwe akati kabo,” wakaamba Muuya Uusalala mu mazuba aya akumamanino. “Muta gumi zintu zyabo zitasalali. Njo oba Leza kuli ndinywe; amube bana balombe abasimbi kuli Ndime.” Lino, amulangilile.

²⁴⁷ Israyeli yakali kulangilila. Ba kalizi kuti Leza wakabeleka a basinsimi Bakwe. Ba . . . Ijwi lyakasika kuli mbabo, nkabela baka boola ku Li bona. Elyo baka Li bona.

²⁴⁸ Elyo lino citondezyo cabupampu, tula cibona lino, kuti bali mukusyoma aa tubunga twabo. Ba cili mu tunsiyansiya twabo. Nekubaboobo ba . . .

²⁴⁹ Mbuli buyo Balamu mbwa kabede, eco caka boola atala lya cilundu, oko Israyeli nkoya kabede. Kwakali Israyeli, kutali cisi, bakali buyo bantu kabaibuka koonse, nkabela baka zulwa. Elyo Moabu, munyina wakwe, mupampu, muntu wakabunganya, wakasika atala lya cilundu, a bishopo na musinsimi ngo baka jisi, a kubikka cipaililo, a kutuula cituuzyo nciconya. Pele wa kakakilwa kubona Musumpululu wa Mulilo a Mwaala wakaumwa akati ka Israyeli.

²⁵⁰ Mbo cibede asunu. I mizeezo ya bupampu yakali kulanga kuli basimpuwo kabaimvwi alya. Bala kakilwa kubona Mwaala wakaumwa. Awalo bishopo, mwini, waka kakilwa kubona nguzu zya Muuya Uusalala, koongolola kwa Mwaami mu cilabba. Bala kakilwa ku cibona.

²⁵¹ Aboobo, eyo nje nzila mboibede alubo sunu. Leza uli mukwiita bantu Bakwe basalidwe, alimwi bali salidwe eno. Elyo lino bali salidwe kunzi? Ku bubuke. Elyo musyobo nzi wa citondezyo Nca batondezya? Citondezyo ca bubuke.

²⁵² Ino Wa kali kuba tondezya nzi mpawo? I citondezyo ca kuvunwa, ku bavuna kuzwa ku bwaange, ii citondezyo ca nguzu zyakali kukonzya kujala majulu na kukonzya kusiya milengalenga.

²⁵³ Elyo lino Uli mukutondezya nguzu zya bubuke bwa Mwana Wakwe kaponi akati kabo, kuba busya kuzwa ku cuumbwe eci a namaumbwe omo motubede, kuya ku Nyika eyo Nja kasyomezya kuli ndiswe. Citondezyo ca bubuke, ciita kuzwa ku Egepita ya kumuuya a Babuloni ya kumuuya, mukuziba . . .

²⁵⁴ Anda ambe ceeci cabutontozi lino, kuti muyo cijata. Kucicita kwiinda ku ciyanza nciconya eco Nca kacita ku matalikilo, cintu nciconya Nca cita. Kofwaazyama meso aa sikutasyoma; kojula meso aa musyomi. Elyo amubone tunzenyu katucicita ku lubazu lwa bupampu, tunzenyu a mbungano, tunzenyu a masi, zintuzyonse;

mpawo busena bumwi buli sisidwe kuzwa kuli mbabo, ku kaambo ka zyamuuuya.

²⁵⁵ Leza wakabweza muntu omwe mu nkanda, kamuyiisya. Elyo waka mujosya, a kweendelezya cintu, a kugwisya bantu. Mwabona eco Nce pandulula? Ta konzyi kucinca bukanze Bwakwe. Ngu Leza. Ta kabeleki a nkamu. Ta kacita. Ula beleka a mugame; alimwi Wa kacita, alimwi Uyo cita. Elyo Wa kasyomezya, akwalo muli Malaki 4, Uyo cicita. Mbo mbubo. Aboobo nceeco cisyomezyo Cakwe, obo Mbwa kabede; kasyomezya eco Nca kaamba kuti Uyo cita, elyo mpaawa mpo tubede. Ino mbantu, bakkomene, tweeleda kuba; ku bapa citondezyo, kwiinda ku citondezyo ca Ijwi Lyakwe lyaka syomezegwa, Ijwi lyaka syomezegwa. Wa kasyomezya kuti Uyo cicita. Elyo ba... “Bayo boozeyya Lusyomo lwa bantu, myoyo ya bantu, kujokela ku Lusyomo lwa matata mataanzi aa pentekoste.” Wa kasyomezya kucicita, kutondezya zitondezyo Zyakwe.

²⁵⁶ “Elyo mbuli mbo kwakabede mu mazuba akwa Sodoma, mbubonya mbo kuyooba ku Kuboola kwa Mwana wa muntu.” Ino musyobo nzi wa citondezyo mabungano nca kabona ku Sodoma? Ncinzi mbungano ya bupampu ncoya kabona? Bakambausi bobilo. Ino Mbungano ya kumuuya yakacita nzi, yakasalwa, Abrahamu a nkamu yakwe? Kabona Leza katondezegwa mu mubili wa buntu, wa mubili wabantu, oyo wakali kukonzya kutweluka muuya a kwaamba eco Sarah nca kali kwaamba kunze Lyakwe. “Mbuli mbo kwakabede mu mazuba akwa Lota, mbubonya mbo kuyooba mu Kuboola kwa Mwana wa muntu.” Tula bona Muuya Uusalala akati kesu, kaucita cintu nciconya, kaubeleka mu mubili wabantu. Ndi oora. Mwabona? Tuli waano buyo, beenzuma. Kwa mana. Kulonga kuli mukucitika.

²⁵⁷ Pele lino amubone, Wa kacicita mpawo kwiinda kunzi? Amubone, a kusama kuyeeya kwanu kwa kumuuya. Akube kuti Muuya Uusalala ubikke kusule lya kancimwa kakaindi ka kancimwa lino, a kulanga kabotu. Leza lyonse ulabamba muzeezo kucita cimwi, nzila yomwe, Ta konzyi ku cicina.

²⁵⁸ Mu muunda wa Edeni, cindi Na kali kuyanda kunununa muntu kujokela ku luswaanano, Wa kabamba muzeezo: bwakali bulowa. Ba soleka lwiiyo, ba soleka kabungwe, ba soleka busicisi, a zintuzyonse zimbi, nkabela ta cibeleki. Kuli busena bomwe luzutu obo Leza mwayo sola kuswaangana a muntu, oko nkuunsi lya bulowa bwakatika, mbuli mbo kwakabede mu Edeni. Ta cina cinca. Busena bulikke Leza mbwa kaswaanganina, mu mazuba aa Jobu, bwakali bwa kunsi lya kabelele kacituuzyo. Busena buyo Mbwa kaswaanganina mu mazuba aa Israyeli, kubweendelezi bwa kabelele kacituuzyo; mbuli Mbwa kacita mu muunda wa Edeni, kunsi lya kabelele kacituuzyo.

259 I busena bulikke Mbwa swaana sunu, tabuli mu tubungwe; bala kwankwana a kunyongana akati ka umwi aumwi. Kutali mu busimbungano; bacicita cintu nciconya. Kutali mu bupampu; boonse bali nyongene. Pele kungsi lya Bulowa bwa Kabelele, musyomi oonse inga wa swaangana a luswaanano, oko Buumi nko bubede.

260 Leza wakasala, mu mazuba aa kulonga, Wa kaita nkamu. Elyo kuzwa ku nkamu eyo, Ndi yanda kuti mubone cintucimwi, Walo ujisi biyo bobilo bakaunka ku nyika ya cisyomezayo. Ncinzi Nca kasala kuba gusya? Tunzenyu? Kabunga? Wa kasala musinsimi, kajisi citondezayo cigambyakwiinda ica Musumpululu wa Mulilo, cakuti bantu tiiba kalubizya. Eco musinsimi nca kaamba cakali ca Bwini. Elyo Leza wakaseluka, mu Musumpululu wa Mulilo, a kulisimpikizya Mwini, katondezaya Ijwi Lyakwe. Mbo mbubo na? Nce ncico Nca kaleta, kulonga Kwakwe kutaanzi. Kulonga Kwakwe kwabili. . .

261 Leza lyoonse ula njila mu butatu. Uli londokede mu butatu. Nyoonse mula bona kukambauka kwangu, lyoonse kuli kotatwe a ciloba. Uh-huh. *Ciloba* kwalo i “nkumaninizya.” *Kotatwe* kwalo nku Kwakwe mu “mbulondosi.” Citaanzi, Cabili, a Kukwelwa Kwatatu. Elyo, oh, zyoonse, zintuzyonse. Mwabona? Kululamikwa, kusalazigwa, lubbizyo Muuya Uusalala. Taata, Mwana, Uusalala Mu- . . . Zintuzyonse! Mwabona? Amubone.

262 Ino Wa kacita nzi, kulonga kutaanzi? Wa katuma musinsimi, wakananikidwe a Musumpululu wa Mulilo, nkabela Wa kaita bantu kuzwa. Oko kwakali kulonga Kwakwe kutaanzi.

263 Elyo cindi ca Israyeli nicakali mujulu, Wa katuma alubo, Leza-Musinsimi, a Musumpululu wa Mulilo. Johane waka Ubona kauseluka kuzwa ku Julu mbuli nziba. Elyo Wa kati, “Ndi inka kuli Leza nkabela Ndi bweedela kuli Leza.”

264 Kwiinde lufu Lwakwe, kuzikkwa a bubuke; Saulo waku Tarso, mu lweendo lwakwe kuya ku Damasiko, wakabona oyo nguonya Musumpululu wa Mulilo. Elyo walo mukuba mu Hebrayo, ee wakayiisigwa mu Ijwi, kati, “Mwami, Ino Nduweni?” Wa kalizi kuti wakali Mwami, oyo Musumpululu wa Mulilo. Wa kali mu Hebrayo. Kati, “Ino Nduweni?”

Elyo Wa kati, “Ndime Jesu.”

265 I kulonga kwabili, Wa kaleta Musinsimi, wakananikidwe, oyo wakali Mwana Wakwe, Leza-Musinsimi. Musa wakati Uyo oba Musinsimi; alimwi waka jisi Musumpululu wa Mulilo, a kucita zitondezayo a zigambyo. Elyo oyo Musinsimi nguonya wakaamba, kuti, “Kufumbwa muntu uusyoma muli Ndime, milimo eyo Nje cita uyo icita awalo.”

266 Elyo mpaawa Wa kasyomezaya cintu nciconya mu kulonga mu mazuba aakumamanino, nkabela Ta konzyi ku cicinca. Elyo kwiinda ku cizibyo casayaansi, kwiinda ku bumboni bwa Muuya, kwiinda ku milimo ya Muuya, tula cibona

sunu, Musumpululu wa Mulilo mupati uleenda akati kesu; a zitondezyo a zigambo zya bubuke bwa Jesu Kristo, kwiita bantu kuzwa ku ciimo cakabungwe, mu Busyu bwa Jesu Kristo, ku kupona, kuya ku Nyika. Taakwe bulubizi, beenzuma. Tacili ceeco Nce wamba; Ndili munyoko buyo. Pele, nceeco Leza ncali mukutondezya kuli ndinywe, eco cicibamba kuba Bwini. Nguonya Musumpululu wa Mulilo Ngwa kabelesya kuli bobilo bambi, Wa ka Uleta akati kanu sunu, a ku Utondezya kwiinda kuli zyasayaansi. Mbili mbo muzi, *Life* magazini yaka Li bweza mweezi wainda, okuya. Oko . . .

267 Mbangaye bakali okuno a kundimvwa kwaamba makani aceeco, ncenzi cakacitika, kacitana cicita? Ndi yeeya, kujatikizya boonse mu mbungano.

268 Nceeco we. Ta bazi coonse mbo cibede; banasayaansi basola kucita. Kufumbwa muntu ujisi cifoto ca Nguwo, citegwa, “I Kkumbi, mamaile ali makumi obilo acisambomwe kuya mujulu, mu ciimo ca piramidi.” Baangelo bali Ciloba baiminina omuya, baka josya a ku muletela Ijwi lya Leza, kungsi lya bunanike. Cila kwaambila maora aya kuti ula boola a kuponena mo. I muzeezo wa kumuuya uyo bweza eco ndyoonya lino, mwabona, a ku cijana. Kwalo nkulonga. Tuyo zwa, bumwi bwa mazuba aya. Kulumbwe kuli Leza. Amuyeeye.

Elyo Ndila jala, aniini buyo. Ndi jisi maminiti ali kkumi.

269 Amubone Musumpululu wa Mulilo waka baita kuzwa, waka basololela ku nyika ya cisyomezyo, kungsi lya bunanike bwa musinsimi. Ii Musumpululu wa Mulilo ngo bakali kukonzya kulanga, kaba sololela ku nyika ya cisyomezyo, kungsi lya musinsimi uunanikidwe. Elyo baka mukaka cakuzumanana. Mbo mbubo na? Masimpe.

270 Lino, Ndi lizi tweeledede kuba a mulimo wa lubbizyo. Ndi jisi mapeegi atandila ku cisambomwe ambi awa, Nda yeeyela. Pele Ndiyo ima lino, aniini buyo.

271 Amu cilangilile. Tuli mu kwiitwa kuzwa. “Amuzwe mu Babuloni, bantu Bangu, lyakaamba jwi lya angelo.” Kuzwa kunzi? Lupyopyongano. Sa Methodisti ili luleme, na Baptisti, na Katolika? “Amuzwe kuli ncico.” Leza uli luleme. Mbobuti mbo ziba? “Akube kuti ijwi lya muntu lyaonse libe bubeji, nkabela Lyangu Bwini. Amuzwe kuli ncico.” Ncenzi ncozi? I Musumpululu wa Mulilo nguwenya, Muuya nguonya wa bunanike, kausololela ku Nyika ya cisyomezyo.

272 Amubone, kaba sololela, kuba gusya, kaba sololela ku nyika ya cisyomezyo; Israyeli, cisi.

273 Elyo Leza nguwenya, Musumpululu wa Mulilo nguwenya! Oyo biyo. . . “Ba amba kuti i. . . eyo kkamera. . .” Cindi mwabala George J. Lacy; kutali ndime, eno. Amu bale awo George J. Lacy mpa kalangalanga cifoto eco. I mutwe wa F. B. I., ku kudinda kwa mpela zya tunwe a mapepa, nkaako kaambo

kakwe. “Bamwi babo balati, ‘Ti maleensi ayutululwa kobile.’” Makumi aa bantu bali zyuulu baka Li langa, a meso abo eni. Twa kaima awa a ku Li langa. Mwa ka Li langa. Tali nguwe. “Ba kati, ‘Kwakali kukubona kutali kabotu.’” Ncinzi Ba. Lacy nco bakaamba? “I liso lya muncini wa kkamera eyi tali kabwezi lwiiyo lwa kulilemeka kwa mizeezo.” Uh-huh. Tii kwakali kukubona kutali kabotu. Nko kuli, nguonya Musumpululu wa Mulilo.

Mpawo ba lati, “Oh, ee, oko kwakali kutondezegwa kwalweeno.”

Lino, kkamera, zyoonse, kwa myaanda ya mamaile iya Tucson!

²⁷⁴ Myeezi ili cisambomwe kacitana citika, twa kamwaambila, kwiinda ku Muuya Uusalala, inga Ndiyo unka okuya kuyo bweza makani. Nkaambo, Bulembo bwa piramidi buli anze, mbuli mukwesu mbwa kajisi ciloto, nkabela Nda kacipandululu kuli nduwe. Obo mbo bupanduluzi boonse. Lino, maseseke oonse aa kululamikwa, kusalazigwa, lubbizyo Muuya Uusalala, lwaka pandululwa. Lino kubweza mamanino aceeco aatebede, alo akazimaazigwa mu Zinamatizyo zili Ciloba, kutali mabungano ali ciloba. I Zinamatizyo Zili Ciloba ziyubununa maseseke. Elyo mpawo Wa kajula cintu eci, aatala, a kujana Mwaala omuya, uutuba, pele takalina lembwa. Akali maseseke.

²⁷⁵ Koya ku Tucson; ka caamba kumbele kacitana citika. Amwiime kunyiika ya Tucson, bakamboni kabaimvwi awa a ncico, cindi kubbotoka nikwa kasika, oko kwaka zunganya malundu kuzwa aansii, kutandila. Elyo ku ciindi nciconya, mubalo wa Mumuni kaulengelela kulaale mu luwo, cindi sayaansi niya kafotola zifoto lino. “Mamaile ali makumi obilo acisambomwe kuya mujulu,” kutandila ziindi ziyosanwe musinzo mulamfu wa sikunku na kufumbwa cintu cikonzya kuba. Elyo taba konzyi akwalo kujana eco caka cicita.

²⁷⁶ “Kuyooba Mumuni kutandila ciindi caku mangolezya. I kazila kaya ku Bulemu muyo kajana ncobeni,” ikuti na muli salidwe. Eyo Mbutu ila wida aa masena mayumu, na atala lya myaala, Tai kaciti cintu; myoyo, miyumu ya bbwe eyo iyanda kuba ya tuncimwa. Pele ikuti na Uyo wida aa busena buteteete, buteteete bwa lusyomo, Uyo zyala Munakristo, kuzyala micelo ya Muuya.

²⁷⁷ Amubone obo Leza mbwa kacita ceeco. Lino Uli jisi oyo nguwenya Musumpululu wa Mulilo. Oyo waka simpikizigwa.

Muntuumwi wakati, “Nkaambonzi toinki kuyo baambila banasayaansi kujatikizya Ceeco?”

²⁷⁸ Muyeeya kuti inga ba Ci syoma? “Muta waali ngale zyanu ku ngulube.” Jesu ta kaamba kucita. Nse jisi kusololewa kwa ku ci cita, nekuba kukkala moonya mu cisi ciya oko nko ba ciitila. Nda kayeeya kuti inga Nda selemuka. I Muuya Uusalala wakati,

“Kotantamuka. Ta cili kuli mbabo. Ko jokela a kwaambila cikombelo.” Neibotu.

279 “Elyo ciyo boola kucitika. . . Ikuti na eco nco baamba cacitika, mpawo, amuyeeye, Nda kanana,” Mwami waamba, “mwabona, kacitana citika.” Nceeco cacitika. Amuswiilile ku Bbaibbele, Jwi Iya Leza kali kwiita mu buzuba buno.

280 Lino Ndi yanda kuti mubone. Oyu nguwenya Musumpululu wa Mulilo usololela bantu alubo ku Nyika ya cisyomezyo, Mileniamu. Oko, nko twa kajana, kungsi Iya bunanike bwa Cinamatizyo eci Cacisambomwe, ta cina yiisigwa pe, nzila nyika mbo yeelede kusalazigwa ku Mileniamu. I Musumpululu wa Mulilo ubasololela ku Mileniamu.

281 Elyo amubone Musumpululu wa Mulilo waka sololela Israyeli kuzwa ku bwaange, mu kulonga oko; i Musumpululu wa Mulilo, kungsi Iya busololi bwa Leza. . . Leza wakali Mulilo, alimwi Musumpululu wa Mulilo wakananika biyo musinsimi. I Musumpululu wa Mulilo wa keelede kwiima mbuli kamboni Wakujulu oyo Musa ngwa kaitwa.

282 Mula yeeya Datani, balo, bakati, “Ee, tweelede kutalika kabunga. Musa, ula lisumpula maningi. Yebo usola kwaamba kuti nduwe olikke uusalala aakati kesu. Mbunga yoonse ya Mwami ila salala. Mbobuti mbo konzya kubweza eci aali lwako?”

283 Mpawo Musa waka wida ku busyu bwakwe a kutalika kulila. Leza wakati, “Lyandaanye lwako kuzwa kuli nguwe. Njo jula buyo nyika aku mumena.” Cikozyanyo. Mbobuti. . . Musa waka baambila kuti wa kali kubaambila eco Leza nca kaamba, Leza ka Ci simpikizya kuba Bwini.

284 Awalo Miriamu, musinsimi mwanakazi lwakwe, a Aaroni, wakaseka Musa, ku kukwata musimbi oyo muna Etiopia, ku mufubaazya. Elyo Leza waka nyema; kukanana kulwana mulanda Wakwe. Ino Wa kacita nzi? Wa kabaita ku mulyango wa cikombelo. Elyo Miriamu, nekubaboobo, waa kali musinsimi mwanakazi. Pele Musa wakali kwiindilila ku musinsimi, kwiinda musinsimi. Wa kati, “Muta yoowi Leza? Ikuti na kuli musinsimi akati kanu, Nde Mwami njo kanana kuli nguwe mu zilengaano, a kulizibya Lwangu kuli nguwe mu ziloto, pele,” kati, “kutali Musa.” Kati, “Sena toyoowi Leza?” Elyo waa—waa kali fwide cisela ku cinsenda, miniti eelyo. Nywebo mulizi obo.

285 Sa Ta kaamba kuti, “Johane Mubapatizi. Sena mwakainkila kuyo bona musinsimi? Iiyi, kwiinda musinsimi?” Nkaambonzi? Nkaambonzi nca kali kwiindilila ku musinsimi? Wa kali mutumwa wa Cipangano, bwaato bwaka sangana mabanze ayo obilo antoomwe.

286 Elyo sunu, i. . . eco nco tujisi akati kesu, oyu Muuya Uusalala mulemu, ulainda kuba musinsimi. Ngu Leza waka yubululwa akati kesu, a Ijwi Lyakwe ku citondezya. Ula cita kunji kwiinda musinsimi, ziindi zili cuulu kwiinda basinsimi mbo bacita.

287 Eliya, umwi wa basinsimi bapati maningi ba bukkalo, kacita biyo zintu zyone zigambyakwiinda, mu buumi bwakwe boonse bwa myaka ili makumi ali lusele aimwi. Elyo Elisha, a cibeela cabubili, kacita lusele.

288 Elyo tula bona zyuulu taimuzi zyuulu, a meso esu eni, amulange Angelo wa Mwami, mu Musumpululu wa Mulilo. Kulingula kwasayaansi, ku cibweza ku inyika, mukuziba kuti bayo betekwa kwiinda kuli Ncico. Ino ako Kabelele wakacita nzi, oyo Angelo wa Mwami, oyo wakali Kristo? Mula cisyoma na?

289 Musalali Johane 6. Boonse bakali kunywa maanzi aya, a kuba aciindi cibotu a kutangala. Wa kati, “Ndime Cinkwa ca Buumi eco cizwa kwa Leza kuzwaku Julu. Ndime oyo Mwaala wakali mu nkanda.”

290 Ba kati, “Lino tu lizi kuti Uli nyongene. Uli—Uli nyongene. Uli—Uli jisi dyabulosi ali Nduwe. Uli Muntu uunyongene, a dyabulosi.” Nywebo mulizi, bantu bala jana muuya aali mbabo, ciindicimwi balaba a kunyanyaala maningi, bakombi. Ba kati, “Nduwe—Nduwe dyabulosi. Uli jisi dyabulosi ali Nduwe. Uli mu Samaria, nkabela Uli jisi dyabulosi ali Nduwe.” Kati, “Elyo mpaawa, To cili myaka ili makumi osanwe yakukomena, a kwaamba kuti Wa ‘kabona Abrahamu?’”

291 Nda konzya ku Mu bona kajokela ku matantilo masyoonto. Kati, “NDIME OYO. Katanaba Abrahamu, NDIME.” Oyo wakali Mulilo wakali kupya, oyo Musumpululu wa Mulilo mu citeo.

292 Cindi Na kafwa, a kubuka aa buzuba bwatatu, nkabela Saulo waka Mu swaana mu lweendo kuselemukila, Wa kajokela kuli oyo Musumpululu wa Mulilo. Kati, “Ndi zwa kwa Leza, alimwi Ndi inka kuli Leza.”

293 Cindi Petro nakali mu ntolongo, oyo Musumpululu wa Mulilo waka njila, kajula milyanga a kumutola aanze. Mbo mbubo.

Nkokuli oyo Musumpululu wa Mulilo nko waka basololela?

294 Lino, amuyeeye, Musa taakali Musumpululu wa Mulilo. Wa kali musololi wakananikidwe, kungsi lya oyo Musumpululu wa Mulilo, a Musumpululu wa Mulilo waka simpikizya buyo Mulumbe wakwe a zitondezyo a zigambyo.

295 Elyo oyo Musumpululu wa Mulilo waka basololela ku nyika eyo Leza nja kabasyomezya, oko Walo, Mwini, nakaba mu mubili wabuntu akati kabo, buzubabumwi. Mbo mbubo na? Ino bakacita nzi? Kang’ung’una a kubijilwa, a zintuzyonse zimbi, ku citondezya kuti cakali kungsi lya bulowa bwa kabelele buyo.

296 Pele ciindi eci (Bulemu kuli Leza!), Musumpululu oyo ngo tubona aakati kesu, i Musumpululu wa Mulilo uyo tusololela ku Mileniamu, oko Nkwayo jokela ku bantu Bakwe mu bulelo obo bupati bwa Mileniamu kumane kulonga oku, oko nko tuyo kkala

Cabutamani a Nguwe. Uli jisi Ijwi lya Taata lyoonse, lyoonse lila tondezya kuti Lili luleme.

²⁹⁷ Tuli mu kulonga. Elyo kusiya, a kuzima teepu mu kaindi kaniini. Oh, beenzuma bangu, bakwesu bangu, boonse baliko nkabela bayo mvwa mateepu, andi . . . mbuli munyoko a sicisi wa Bwami bwa Leza. Amuzwe, mu kulonga oku, nkambo boonse baka syaala musule bayo zyala caando ca munyama. Amuzwe mu Babuloni. Amuzwe mu lupyopyongano olu. Amuzwe ku zianza ezi, a kubelekela Leza muumi. Atu . . .

²⁹⁸ Oyu Angelo mupati wa Cipangano! “Jesu Kristo, mu ciimo ca Leza, takayeeya kuti ncivuumuko, pele kuba kweelana a Leza.” Lino Walo Musumpululu wa Mulilo, mu ciimo nciconya Mbwa kabede kaindi okuya, kuleta kulonga oko kutaanzi, kuleta kulonga kwabili, elyo mpaawa Uli a kulonga kwa tatu.

²⁹⁹ I kulonga kutaanzi, ino Wa kacita nzi? Wa kabagusya kuzwa ku nyika yakunyama, kuya ku nyika yakunyama.

³⁰⁰ I kulonga kwabili, Wa kabagusya kuzwa ku ciimo cakumuuya, kuya mu lubbizyo lwa kumuuya lwa Muuya Uusalala.

³⁰¹ Lino Uli muku bagwisya kuzwa ku lubapatizyo lwa kumuuya lwa Muuya Uusalala, knkoonya kunze kuya mu Nyika Yabutamani ya Mileniamu a bupati Obukwamana. Nguonya Musumpululu wa Mulilo, kwiinda ku cianza nciconya cakananikwa, Leza nguonya kacita zintu nzyoonya! Elyo Ijwi ndilyonya, lyaka lungulula comwe lutaanzi, kulungulula cimwi lwabili. I Ijwi ndilyonya, lya katondezya limwi lyabili, lya lungulula lyatatu, nkabela mpaawa twa Li bona akati kesu.

³⁰² Amuzwe. Oh! Amuzwe mu lupyopyongano olu. Amuboole kuli Leza muumi. Kaboola ku Ijwi. “Elyo Ijwi lyakaba mu mubili wabuntu a kukkala akati kesu.” Elyo lino Uli mu mubili wesu, kakkala akati kesu. Kazwa a kubelekela Leza muumi.

³⁰³ Kuciindi notu kotamika mitwe yesu. [Ii mukwesu wakanana mu myaambo, mukwesu umbi ulapandulula—Mul.]

³⁰⁴ A mitwe yanu kiikoteme. Kuzwa kungsi kwa buntu bwako, kuzwa kungsi kwa zyoonse zili muli nduwe, sa uli libambilide kuyeeya ku . . . Uli libambilide kuleka zintu zyoonse zya inyika, a kuponena Leza? Lino, ikuti na to kanzili ceeci, uta ciciti. Pele ikuti na ula caamba, a moyo wako oonse, kuti walamwa lino. Mbuli Jesu mbwa kaamba, ku mamanino aa mulimo Wakwe, “Lino sena mula syoma?” Sena mwa kalamwa kuti zintu ezi zili luleme, zyaka simpikizigwa aa Leza, alimwi kuti tuli ku ciindi camamanino, alimwi ncobeni uyanda kuboola kuli Kristo lino? Boola mu kulonga oku, kwa kwiita kuzwa ku kancimwa, ciimo cakabungwe, mizeezo a zintu zya inyika. Elyo muyanda kupa myoyo yoonse kuli Nguwe a kuzwa mu kulonga, nkambo ka Nyika ya cisyomezyo ilelekedwe, sa inga watambika maanza

ako kuciindi notu komba? Sa uli masimpe ncobeni kuti uyanda kuzwa, nyoonse?

305 Taata Wakujulu, abo batambika maanza abo, balekele bazwe lino, Mwami. Lekela Muuya Uusalala, aa cisyomezyo ca Ijwi, lekela Muuya Uusalala weende mu myoyo yabo. Kuzwa mu mbunga yesu, kwakali maanza atandila ku makumi obilo, Nda yeeyela, Taata, oyo uli kkuutilide a kuziba kuti cili—kuti cili bwini, alimwi bayanda kuzwa. Ikuti na kwakali. . .

306 Mu mazuba a kuzwa mu Israyeli, kuzwa ku bantu bali mamilioni obilo acisela, bobilo biyo bakapanga nyika.

307 Mu mazuba aa Jesu Kristo, kwakali batandila ku mwaanda a makumi obile baka cikonzya.

308 Elyo lino, mu mazuba aa mamanino aa inyika, Wa kati, “Mulyango uu manikide, a ii patide nje nzila, elyo mbace bayo yi jana. Pele mugwagwa mupati ni nzila eyo iitola ku lunyonyooko, nkabela banji bayo njila.” Alo Majwi taakonzyi kukakilwa. Mbi Bako.

309 Lino Nda bakombela, Mwami. Nda komba kuti Uyo cita, oora eli, ku Muuya Uusalala Wako, kopalula myoyo eyo. Kugwisya zintu zyoonse zya inyika. Palula matwi abo, nkambo bala konzya kumvwa cantangalala Jwi lya Leza, kaita, kwiinda mu Ijwi Lyakwe a kwiinda mu Mumuni wa buzuba. Elyo kopa, Mwami, kuti meso abo ajuke, kutegwa bakonzye kubona bulemu bwa Leza mu oora eli lyamamanino lya kujala. Wa kati, “Boonse abo Taata mbaka Ndi pa bayo boola, nkabela Njo babusya ku buzuba bwamamanino.”

310 Mwami, ndiza kuli banji awa bata mvwisiyi. Nda komba kuti Uyo beleka ambabo, nkabela uyo balekela kuba a coolwe cimbi, Mwami, kutegwa bakonzye kumvwisya, ku Kumvwa kwaambaula kwiinda mu Ijwi Lyako, kulitondezya Omwini; elyo mpawo kukanana kuli ndiswe mu jwi liindakugambya, elyo mpawo a bupanduluzi; kubona milimo Yako mipati Kwi tondezya kuba bwini, kweendelana ku Bbaibbele. Nda komba, Leza, kuti Uyo tujatila zibi zyesu, lino, alimwi mbuli Mbwe libikka lwangu aa Ijwi eli.

311 Leza, Ndi yeeya kuti, mvwiki buyo yainda, Nda—Nda kali lazika lwangu aa muntu uufwide aa cibuye awa. Nda kabona Muuya Uusalala mulemu kau mujosya ku buumi. Meso akwe akajokela kusule lya mutwe wakwe, kalede, kafwide. Majwi buyo masyoonto, masyoonto a kwiita Zina Lyako, Nda mubona kaponi. Ngooyu mpali sunu, muumi, nekuba. Mwami, Nduwe Leza nguwenya, kuti, cindi Paulo nakali lazika mwini aa mulombe oyo, kaswiilila kuli nguwe kakambauka ciindi cilamfu loko, oyo muntu wakawa kuzwa ku mpulungwido. Nduwe Leza nguwenya uukonzya kuboozezya buumi. Twa Ku lumba, Taata. Akube. . . I sikutasyoma inga tasyoma. Pele tula syoma, Mwami. Wa litondezya Lwako kuli ndiswe.

³¹² Lino lekela kuyeeya kwa moyo wangu, a miyeeyo ya mizeezo yangu, nguzu zyangu a zyoonse, zya keenzemuka mu Ijwi eli. Elyo lekela Ijwi a Ndime, antoomwe, Mwami, a bantu, kumaccing'a kuya ku Bwami bwa Leza. Ko cipa, Mwami. Kojatila zibi zyesu. Ponya malwazi esu, a kutubamba kuba balelwa ba Bwami Bwako.


³¹³ Elyo lino, mbuli aba mbo baboola, Mwami, nkabela ciziba cili mukujulwa, maanzi alibambidwe, mpawo lubbizyo lu yootalika mu maniniti masyoonto, tula yeeya cindi aya ngaonya Makanimabotu naka kambaukwa, Bbaibbele lyakati, “Boonse bakasyoma baka bapatizigwa.”

³¹⁴ Ntootu tutambala tubikkidwe awa, Mwami, kuti Nda leleka mu Zina Iya Jesu Kristo, ku kuponesegwa kwa balwazi. Mpawo cindi . . .

³¹⁵ Kuswaangana kwesu ku tola ciindi, kwa kwela maningi maoora, ku muka. Twe elede kubikka Ijwi kuciindi nokuli busena bwaku Li bikka, nkambo mapeyo atontola aboola. Tula libona. I matu ali mukuwa, alimwi tu lizi kuti mapeyo ali afwaafwi. Twe elede kuyangaula golondwe a kuzikka Mbuto. Aboobo, Nda komba, Taata Wakujulu, kuti Uyo kanana ku moyo oonse.

³¹⁶ Elyo Bbaibbele lyakati, “Boonse bakasyoma baka bapatizigwa.” Elyo, Mwami, ikuti na kuli banji awa abo bakasyoma, alimwi takalina bapatizigwa mu Zina Iya Mwana Wako uuyandwa, Jesu, akube kuti baboole cifumo cino, cabubotu a cabubombe, a kulyaambilila zibi zyabo, a kufwa ku zintu zya inyika; ku kuzikkwa, ku kusama Zina Iya Jesu Kristo; kupona cabuleza, kuzwida awo, ku lugwasyo lwa Muuya Uusalala. Twa batuula kuli Nduwe lino, Mwami, ku bukanze obu, mu Zina Iya Jesu Kristo. Ameni.

³¹⁷ Lino twa pa kuswaangana ku Mukwesu Neville, elyo kufumbwa nca elede kwaamba, kuciindi kulibambila ku mulimo wa lubbizyo.

³¹⁸ Elyo sunumasiku, aa seveni theeti, na Mwami wayanda, Ndi yanda teepu oyu Mulumbe umbi. Leza amu longezeye kusikila eelyo. 

63-0630M Ii Kulonga Kwatatu
Branham Tabernacle
Jeffersonville, Indiana U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakuajokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org